

**CONSTITUTIONES
PIAE, PRO
REFORMATIONE
FRATRUM S.
FRANCISCI...**

Minori conventuali, Antonius : de
Sapientibus



CONSTANTINOPLE

PLATE

THE GARDEN OF THE PALACE OF THE SULTAN

CONSTITUTIONAL AND HISTORICAL

CONSTITUTIONAL AND HISTORICAL

CONSTITUTIONAL AND HISTORICAL

CONSTITUTIONAL AND HISTORICAL

CONSTITUTIONAL AND HISTORICAL

CONSTITUTIONAL AND HISTORICAL



CONSTITUTIONAL AND HISTORICAL

CONSTITUTIONAL AND HISTORICAL

VNIVERSIS ORDINIS MINORVM
CONVENTUALIVM PROFESSORIVS

F. Antonius à Sapientibus Augusten.

eiusdem Ord. Generalis Magister;

ac servus S. P. D.



QUOD uel semper magnis votis
Deum precatus sum (Dile-
ctissimi Patres) nedum in eo
Magistratu positus, in quem
vestra omnium beneuolen-
tia me constituit; sed etiam
cum expers essem potestatis, ut Religio hæc, & so-
dalitium nostrum ad maiorum viuendi normam
aliquando restitueretur; id hodie ita futurum con-
fido, ut me summo gaudio; & spiritali quadam
uoluptate profusum sentiam; non ea tantum de
causa, quod Beatissimum Patrem nostrum Pium
Quartum id cupere: q̃ amplissimos Dominos
Cardinales Protectores, ac bonos omnes id desi-
derare: quod Sanctam Tridentinam Synodum id
iubere videam: sed potissimum, quod in præcla-
ris animis vestris primæuam Religionis pietatem
sponte reuiuiscere, & succrescere inspiciam. Neq;
enim fieri potest, ut antiqua sanctitatis, & probi-
tatis semina in vobis, qui Seraphici Patris nostri

†

B.

B. Francisci filii estis primogeniti extincta penitus iaceant; quandoquidem, si hoc esset, nullus occurreret, qui collapsam nostri Ordinis disciplinam mecum restituere conaretur: quod tamen plerique prompto, & alacri animo faciunt. Sed quibus lapidibus, & cœmentis ædificium hoc nostrum collapsum restaurabitur nisi iis, quibus à principio per Patres nostros constructum fuit pietate in Deum Sancta, & in homines? Hæc primos lapides pro fundamentis, hæc solidam basim iecit: ab hac erecti sunt parietes: hac perfectum fuit ædificium, & tamdiu conseruatum. Quid verò in causa est, cur nunc tot fimas faciat, & ruinam minetur, nisi quia hætenus multi suo spiritu ducti sibiipsis vixerunt, carni, & sanguini ædificaverunt, Deo non seruierunt, suæ & scopulorum salutis non inuigilarunt? Quid igitur dicendum? Nunquid propter istos spes salutis à nobis ablata est? Nunquid, ut ait Propheta, manus Domini est abbreviata? An non putatis B. Patrem Franciscum de filiorum salute sollicitum esse? Audistis (Patres) vidistis, experti estis à quibus difficultatibus, & periculis his tēporibus erepti estis. Quid futurum speratis, si vos veros filios, & imitatores tanti Patris exhibueritis? Nonne antea cæ calamitates in dignitatem, & gloriam vestram cedent?

dent? Ego quidem mearum virium tenuitatem,
& impotentiam agnosco; sed maximam expertus
Dei bonitatem, & clementiam, quibus Rempub.
nostram fluctuantem non solum à tempestatibus
liberauit, incolumemq; seruauit, sed etiam non
parum auxit, meliora in dies sperare non dubi-
to. Reuocate uobis ad memoriam, quales in
Dei Ecclesia fuerint maiores nostri, quomodo se-
gesserint, qua viuendi forma mundum omnem
ad se attraxerint, ita vt nullus ferè locus inuenia-
tur, quem accessu, & pietate sua non penetrarint:
nullus gradus, nulla dignitas, quæ non libenter
eorum institutum amplexata, secutaq; fuerit. Ha-
bent res mundanæ suas vicissitudines: si vos ad
corda vestrorum Patrum conuersi fueritis, eo-
rum aurea sæcula uobis redibunt. Facilis isthæc
est mutatio: Adhuc extant eorum reliquiæ cul-
tus, disciplinæ, ceremoniæ: Tantum abusus, qui
vel hominum malitia, uel temporum vitio subin-
troduciti, inueniuntur, tollendi à vobis sunt. Hoc
Sancta Tridentina Synodus intellexit: Hoc San-
ctissimus Christi Vicarius in sequenti Diplomate
paterno animo præcipit: Et vosmet in proximis
generalibus Comitiis Florentiæ animaduertistis,
vbi hac de causa tot leges, & sanctiones institulistis,
quarum obseruationi vos, & posteros vestros ad-

strinxistis. Quid igitur superest, nisi ut instituta vestra perficiatis? mores pessimos, qui in sodalitia nostro seuire cœperant, componatis? Sanctus vincat libidinem pudor; temporalium solitudinem spiritualium extinguat desiderium; audaciam cohibeat timor; despectum charitas, amentiam ratio, salutis suæ, & proximi omnes inuigilent. Sic vestras partes apud Deum implebitis, sic mundo, qui per sanctitatis exempla doceri cupit, satisfacietis, & Seraphicus Pater vester vos suos filios agnoscet, ac ei, à quo sibi sunt redemptionis nostræ signa carne impressa continuis precibus commendabit. Ego verò pro vestra salute, & dignitate omnibus viribus enitar, ne quid studii, aut fidei in me desiderandum relinquam. Quod faxit Deus Optimus Maximus. Valete.

BREVE CONFIRMATIONIS
SANCTISSIMI DOMINI NOSTRI PII
DIVINA PROVIDENTIA PAPAE IIII.

Pro constitutionibus fratrum S. Francisci
Conventualium.

PIVS PAPA IIII.



AD perpetuam rei memo-
riam. Sedis Apostolicæ co-
piosa benignitas piis qua-
rumlibet regulari sub cāsti-
monia Domino militan-
tium personarum uotis li-
benter annuit, & illis, quæ pro earum felici sta-
tu, & reformatione processisse comperit, ut illiba-
ta persistant libenter Apostolici adicit muni-
minis firmitatem. Sane cum nos nuper consi-
derantes quam uberes fructus in Dei Eccle-
sia sacer fratrum Minorum ordo ab ætus insti-
tutione produxerit, & quantos in dies produ-
cturus sit, si ad pristinam maiorum suorum nor-
mam per nouitatem, seu reformationem uitæ
eplicuit, miris in modum honoris & glorie resti-

restitutus foret, quibusdam ex dilectis filiis no-
stris Sanctæ Romanæ Ecclesiæ Cardinalibus,
Et præsertim dilectis filiis nostris Carolo tituli
Sanctæ Prædix Borromeo Protectori, Et Lu-
douico tituli Sancti Ciriaci in Thermis Vice-
protectori eiusdem ordinis præbyteris Cardi-
nalibus Symoneta nuncupatis, ipsius ordinis
reformationem curandam commiserimus, qui-
bus negotium ipsum tantæ curæ fuit, ut dile-
ctum filium Antonium de Sapientibus de Au-
gusta eiusdem ordinis Generalem, Et Mini-
stros, nonnullosq; fratres eiusdem ordinis tunc
congregatos in eos capitulo generali Florentiæ
nuper celebrato, in quo idem Antonius in ip-
sius ordinis Generalem ad triennium electus,
Et deinde à nobis ad aliud triennium supplica-
tionibus ministrorum Provincialium dicti Ca-
pituli nobis humiliter porrectis confirmatus
fuit ad nonnulla statuta, Et ordinationes nego-
tium huiusmodi concernentia edenda, adduxe-
rint, ac multa priori professioni adiunxerint,
ac ueterem disciplinam renouauerint, nihilq;
præ-

pratermiserint quod ad exactam suam professione
completionem uisum fuerit opportunum,
prout in publicis documentis desuper confectis
plenius dicitur contineri, Nos qui ipsum An
tonium petitione, supplicatione, & consensu di
cti capituli Generalis sponte accedentibus ad
aliud triennium in eiusdem Ordinis Genera
lem deputauimus Statutorum, & ordinatio
num huiusmodi, de quibus certam notitiam
habemus, ueriores tenores presentibus pro ex
pressis habentes, cupientesq; , ut dictus ordo,
quem in uisceribus gerimus charitatis, ad
suum pristinum statum, seu uiuendi normam
reducatur, suosq; speratos longe ueriores pro
ducat fructus; motu proprio non ad alicu
ius nobis desuper hoc oblata petitionis instan
tiam, sed de nostra mera deliberatione, ac ex
certa scientia, & de Apostolica potestatis pleni
tudine quacunque statuta, ordinationes, decla
rationes, electiones, et electionis huiusmodi mo
dos, ualidationes, petitiones, supplicationes,
concessiones, deputationes, prohibitiones, inha
bili-

bilitationes, amotiones, dispensationes, om-
niaque et singula in dicto Capitulo Generali cir-
ca dicti ordinis reformationem facta, & gesta
auctoritate Apostolica tenore presentium per-
petuo approbamus, et confirmamus, illisque perpe-
tue et inuiolabilis firmitatis robur adiciamus,
ac ea perpetuis futuris temporibus per quos-
cunque ipsius ordinis superiores, & alias perso-
nas sub pœnis in illis adiectis inuiolabiliter ob-
seruari mandamus, ac omnes, & singulos tam
iuris, quam facti defectus, si qui forsan interue-
nerint in eisdem supplemus, sicque per eosdem su-
periores, & quoscunque eiusdem ordinis mini-
stros nunc, & pro tempore existentes observa-
ri, & iudicari debere, nec non quicquid secus
super his a quoque quauis auctoritate scien-
ter, uel ignoranter contigerit attentari, irri-
tum, & inane decernimus. Non obstant. qui-
busuis Apostolicis, ac in Provincialibus, & Sy-
nodalibus Conciliis editis generalibus, uel spe-
cialibus constitutionibus, & ordinationibus, sta-
tutisque, et consuetudinibus ipsius ordinis, etiam


iura-

iuramento confirmatione Apostolica, uel qua-
uis firmitate alia roboratis, Privilegiis quoq;
Indultis, et literis Apostolicis dicto ordini, nec
non illius superioribus, ministris conuentibus,
Et personis sub quibuscunque tenoribus, Et fir-
mis, ac cum quibusuis clausulis, Et decretis
quomodolibet concessis, approbatis, Et innoua-
tis, quibus omnibus etiam si de illis, eorumq;
totis tenoribus specialis specifica, indiuidua, Et
expressa, ac de uerbo ad uerbum mentio habenda
esset, illorum tenores presentibus pro suffi-
cienter expressis habentes, illis alias in suo ro-
bore permansuris, hac uice duntaxat speciali-
ter, Et expresse derogamus, omniaq; contrare-
formationem huiusmodi hactenus concessa, Et
edita reuocamus, et annullamus, ceterisq; cō-
trariis quibuscunq;. Datum Romæ apud San-
ctum Marcum sub Annulo Piscatoris, Die
xviij. Septembris. M D L X V. Pontifica-
tus nostri Anno sexto.

Ca. Glorierius.

INDEX RERVM MAGIS NOTABILIVM,

QVÆ
CONTINENTVR IN
constitutionibus.



A
BEATISSAE
quomodo
se gerere de-
bent 47

B
Baccalaureo-
rum munus 26

Bona fratrum quomodo
non debeant uendi 6

Bona mobilia potest Su-
perior permittere, sed
quomodo uide 29

Bona omnia mobilia, uel
immobilia tradēda sunt
Superiori 28

Bona stabilia contentus
non possunt adusum ali-
cui concedi 29

C
Cella relinquenda trans-
migrantibus ad alium
locum 22

Claues bonorum a quibus
custodiendæ 32

Cōmissarii nō possunt cō-

firmare Prouinciales 37
Confessores Monialiū qua-
les debeant esse 47
Conuētuales fratres a quo,
& quo tempore uoca-
ti 3

Conuentuales profitentur
regulam iuxta declara-
tiones Pontificum 9

Constitutiones repugnan-
tes his, & decretis Tri-
dentini Concilii irritæ
sint? 53

Corpus Christi sanctissi-
mum ubi conseruan-
dum 47

Disciplina quo die, & quo
modo faciendæ 19

Discreti quomodo eligen-
di 36

E
Electio Abbatissæ qualis
esse debeat 47

Electiones quomodo fa-
ciendæ 33

Equitandi licentia quibus
non concedenda 22

Fra-

INDEX

Frater non potest alium accusare coram Superiore nisi per testes, & sufficientia inditia. 33

Fratres ad confinia hereticorum proficiscentes examinandi. 51

Fratres alterius obseruantie quomodo recipi possunt. 14

Fratres de obseruantia uocati quo tempore se subtraxerunt ad obedientiam Generalis. 8

Fratres de obseruantia quando ceperunt 10

Fratres euntes ad terram sanctam quales esse debeant. 51

Fratribus quomodo non liceat extra prouinciā, uel custodiam exire. 14

Fratribus quomodo liceat cum habitu extra claustra manere. 14

Fratribus quomodo liceat habere 6

Fratribus quomodo non liceat ire ad curiam Romanam 15

G

Generalis non potest dispensare in iis, quæ sunt de essentia regulæ 52

Generalis quilibet tenetur

uisitare in persona propria Hispaniarum Prouincias 53

Gregorius nonus nouit intentionem B. Francisci. 6

I

Ieiunia seruanda, & de quibus in iis prouidendum 18

Infirmi statim debeant resignare superiori omnia 30

Itinerantes quomodo se gerere debeant 21

Ius, & proprietas omnium ad quem pertineat. 7

Iuuenes non debent collocari in suis cōuentibus. 15

L

Laicis non licet in capite gerere coronam 26

Lectorum uniuersi tactum officium 27

Licite in bonis parentum possunt fratres succedere. 7


M

Magistri, qui non prædicant, aut non legunt ueni aliquo officio religioni non seruiunt, non gaudeant exemptionibus 40

Martyres septem in qua urbe occisi sunt 42

Martires quinque quo tempore

pore interfecti	4	de quibus	41
Minorum religio quo tem-		Puellæ non suscipiant ha-	
pore aucta sit	4	bitum, nec professionū	
Minores adduxerūt Paleolo-		emittant sine approba-	
gum ad concilium Lugdu-		tione Generalis, aut Pro-	
nense	5	uincialis	45
Missa pro defunctis quando		Pueri non possunt recipi	
cantanda	17	ad ordinem sine licen-	
N		tia Generalis, aut Pro-	
Nouitiorum cura	12	uincialis	12
P		Pueri quo tempore admit-	
Patres nō sunt creandi ante		tendi ad professionem	
quadagesimum annū	42	sunt.	13
Pecuniz tactus quomodo		Q	(21
non liceat	24	Qui à mēsa eximi possint	
Pecuniz usus quomodo cō-		Qui debeant fratrum ne-	
cedatur, & quomodo nō		cessaria emere	21
23. 25		Qui exempti sunt à choro,	
Pœna ducentium mulieres		& qui non	17
intra claustra	43	Qui literas uolunt addisce-	
Pœna omittentium diuinū		re, quid agere debeāt	26
officium.	17	R	
Pœna percutientis aliū	33	Regula scatet difficultati-	
Preces pro quibus funden-		bus	5
da.	54	S	
Prædicatores quales esse de-		Sancti, qui miraculis cor-	
beant.	39	rufscarunt	41
Processio quando facienda		V	
est	17	Vestibus, cuius coloris, &	
Promouendi ad doctoratus		pretii uti liceat	16
insignia, quomodo sint,		Vestimenta Monialium qua-	
& quæ sunt seruanda	27	lia esse debeant	49
Prouinciales quomodo exa-		Vilitatio Monialium, ad	
minare debent fratres, &		quos tantu pertineat	49



PRIMUM omnium satis constat Seraphicum Patrem nostrum Beatum Franciscum diuino lumine illustratum Ordinem suum sub titulo fratrum Minorum instituisse, hocq; nomen delegisse, ne fratres sui (ut Diuus Bonaucūra testatur super reg.)

de ullo dignitatis gradu contenderent, neq; honoris nomen sibi uendicaret, sed omnibus, saluo Dei honore, se subiicerent, & ad temporalem magnitudinem non aspirarent. Sic uero dicti ad imitationem illorum, de quibus dixit Saluator: Quandiu non fecistis uni ex minoribus his, neq; mihi fecistis. Huic autē Minorum titulo, in ipsis quasi Religionis primordiis ex Apostolica auctoritate nomen Conuentualium accessit, quod usq; hodie à nobis retinetur. Innocentius enim quartus Pont. Max. uir doctrina, & sanctitate clarus, per Breue, quod in Archiuo ecclesie nostrae sanctorum duodecim Apostolorum Romae integrum seruatur, declarauit ecclesias fratrum Minorum, ubi eorum Conuentus existebant, Conuentuales uocari: Vnde Conuentualium nomen Minorum titulo adiunctum est: nomen quidem humillimum, quod nullum honoris, nullum dignitatis, uel sanctitatis titulum praefert: sed tantum Minorum fratrum ad unam regulam, ad unamq; uitae communitatem uniformem animum significat. Sub hoc

titulo per uniuersum orbem creuit Minorum Religio, & adeò celeriter aucta est, ut superstes adhuc Beatus Franciscus in uno Capitulo Assisii habito contemplatus sit quinque, & eò amplius millia suorum fratrum, quemadmodum annales ordinis testantur: quod miraculi loco iure optimo ascribendum foret; non enim sine speciali Dei omnipotentis uirtute, & gratia tot uiri ex tot prouinciis tam breui spatio ad tam arduum uiuendi modum adduci potuissent. Hec auctio autem non tam propter hominum multitudinem, quam propter spectatæ sanctitatis uirorum multitudinem ponderanda est, tunc enim quinque illi Martires, qui cathalogo sanctorum ascripti sunt, dum Maomethicam sectam oppugnant, & Christum Deum uerum prædicant, apud Marocium Sarracenorum urbem sanguinem profuderant. Tunc septem item Martires ex eodem ordine in Cepta Aphricæ ciuitate per martirium ad cælos euolauerant: Non referam tot prodigia & miracula Beati Antonii: Non multiplicem Doctoris Seraphici Bonauenturæ eruditionem, & sanctitatem, cuius opera, et consilio in Lugdunen. Concilio Græcorum controuersie de fide composuæ sunt. Prætermittā Beatum Ludonicum, Episc. Tosolanum Beatam Claram, Elisabeth, & innumeros alios, qui miraculis corruscarunt: ex quorum uita, doctrina, & exemplo, maximam utilitatem, et splendorem ecclesia semper consequuta est, ut diuersarum gentium historie testantur. Quis Oranum totius Mauritanie munitissimam urbem, et alia infidelium oppida Christianorum Imperio restituit? nisi ille

Archie.

Archiepiscopus Toletanus, & Cardinalis ex Ordine Minorum assumptus, qui ex prouentibus suæ ecclesiæ aduersus Mauros classem parauit, & eidem præfuit? Quis Usuncaslanum Persarum, et Armeniæ principem contra Tirannum Turcarum adeo excitauit, ut postea (Deo uotis nostris fauente) ferè semper illi infestus fuerit? Quis Græcos, & eorum Imperatorem Paleologum ad Lugdunense Concilium, ut in sententiam Rom. uenirent ecclesiæ, adduxit? Quis Tartarorum gentem, & Parthos ad Fidem Christi uerbo, & exemplo traxit? nonne hi omnes ex Minorum Conuentualium sodalitate egressi sunt?

In his studijs & præclaris gestis ordo Minorum absq; ulla controuersia se exercuit per annos ducentos, & eò amplius, in quibus adeo floruit, ut omnes ecclesiæ gradus, & dignitates adeptus fuerit, eiq; summi Pontifices certatim gratias, & priuilegia conferrent, ut in litteris Apostolicis facile est uidere. Quis uerò tunc fuerit in ordine rerum status, quod uitæ genus, quæ regulæ obseruatio, multæ summorum Pontificum in regulam nostram declarationes, quarum quædam in decretalibus continentur, testatum relinquunt: adeo enim dubitationibus, & difficultatibus littera regulæ nostræ scatet, ut nisi eam Sedes Apostolica declarasset, nullus dubitandi esset finis.

Principiò quidem, dum pauci adhuc essent fratres, ex mendicatis quotidie fidelium suffragijs uictitabant, & uti etiam quotidianis utensilibus crimen arbitrabantur, ita ut
cogeretur

coogeretur Summus Pontifex Gregorius nonus eorum conscientie per literas Apostolicas consulere, qui hæc dixit: Dicimus itaque quod nec in communi, nec in speciali debent proprietatem habere, sed utensilium & librorum, & eorum mobilium, quæ licet habere, eorum usum habeant. Et fratres, secundum quod Generalis Minister, uel Provinciales duxerint, iis utantur, saluo locorum, & domorum dominio illis, ad quos noscitur pertinere. (Hæc Gregorius, qui tempore Beati Francisci claruit, & de se dicit: Et cum ex longa familiaritate, quam idem confessor nobiscum habuit, plenus nouerimus intentionem ipsius, & in condendo præfatam Regulam, & obtinendo confirmationem ipsius per sedem Apostolicam sibi assiterimus, dum essemus in minori officio constituti &c.) Ad quos uero pertineret prædictum dominium sequentes Summi Pontifices declarant. Innocentius quartus, qui quidem post Cælestinum (qui decem & octo tantum diebus ecclesie præfuit) Gregorio successit, eadem ferè uerba dixit, hoc adiungens, quod bona fratrum non debent uendi aut alienari sine licentia sedis Apostolicæ, cum tam immobilium, quàm mobilium (inquit) ius, proprietas, & dominium nullo medio ad ecclesiam ipsam spectent, cui domus, & loca prædicta, cum ecclesiis, & cæteris suis pertinentiis (quæ omnia in ius & proprietatem Beati Petri suscipimus) omninò tam in spiritualibus, quàm in temporalibus immediate subesse noscuntur. Idem profert Alexander quartus iisdem uerbis. Clemens uero quartus anno primo sui Pontificatus, cum

iam

iam fratres Minores ualde essent propagati, & quotidiana
 elemosina ad eos alendos non sufficerent, concessit, ut licitè
 possent succedere in bonis suorum parentum, & possessiones
 apprehendere, & in suam utilitatem conuertere. Et Mar-
 tinus quartus ex suis literis idem concessisse uidetur, cum de
 fratribus Minoribus loquens dicit. Idem fratres, qui pro nul-
 la re temporali possunt in iudicio experiri, ut exclusis qui-
 buslibet sollicitudinibus, liberius, & quietius diuinis uacent
 obsequiis, & offerentium, donantium, concedentium, aut
 in ultima uoluntate relinquentium ordini prædicto, uel fra-
 tribus eiusdem ordinis aliquid propter Deum, ne pia inten-
 tio fraudetur, sitq; nobis sollicitudinè, quòd præfatus ordo
 pro suis necessitatibus, quoties ingruerit necessitas, uel utili-
 tas suaderet, recurrere ad Romanam ecclesiam cogeretur, ad
 quam omnium rerum mobilium, & immobilium, quibus fra-
 tres uti possunt, ius proprietatis, & dominium nullo medio spe-
 rat, &c. Hac eadem explicatius declararunt recentiores qui-
 dam Summi Pontifices, & præcipuè (ut omnes in paucos in-
 ludam) Martinus quintus, Sixtus quartus, Alexander
 sextus, Clemens septimus, Paulus tertius, qui etiam concess-
 erunt, ut in hereditatibus ab intestato obuenientibus, ipsi
 fratres nomine ecclesiæ Romanæ succedere possent, ac si essent
 a seculo; Ex quo liquet quòd quasi à principio surgentis re-
 gionis fratres Minores ceperunt habere usum non tantum
 mobilium, sed immobilium ex liberalitate sedis Apostolicæ;
 & ipsorum bonorum ius, & dominium apud se recipiebant.

usum

usum uerò fratribus concedebat, quomodo haëtenus ante Tri-
dentinam Synodum nobiscum se gessit.

Hunc uiuendi modum maiores nostri sequuti sunt absque
ulla impugnatione, & stimulo conscientiae solliciti semper Ec-
clesiae Catholicae pro sua in eos benignitate, & clementia totis
uiribus uicem aliquam grati animi rependere, donec circa
tempora Concilii Constantiensis quidam nostri ordinis fra-
tres priuilegiis summorum Pontificum, & eorum declara-
tionibus super regulam abiectis, soli literae inmiti cæperunt, &
sub prætextu obseruantiae regule ad mendicationem quoti-
dianam primorum nostrorum Patrum, in quibus egebant,
conuersi sunt: quod a Superioribus ordinis, ne Spiritui san-
cto obistere uiderentur, facile illis concessum est. Verum
isti non contenti subduxisse se à communi uita aliorum, in
Constantiensi synodo, quae anno Domini Millesimo qua-
dringentesimo decimo octauo celebrata est, subduxerunt se
etiam ab ordinaria Superiorum potestate proprios ex seipsis
praefectos postulantes: Et id quidem obtinuerunt, non recu-
santibus, immo assentientibus praelatis nostris, qui ibi ade-
rant, hac tantum lege praefixa, ut electi ex ipsis Praefecti à
nostris confirmarentur: Et quod Generalis in persona pro-
pria eos uisitare posset: quod seruatum est usque ad annum
Domini Millesimum quingenesimum decimum septimum.
Tunc uerò sub Leone decimo Pontifice Maximo ita ef-
fecerunt quorundam Principum fauore adiuti, quod ab obe-
dientia nostri Generalis se substraxerunt, & Obseruantium
regulam

regulam sibi nomen uendicando, etiam proprium Generalem obtinere: Nos interim summorum Pontificum declarationem, usumq; bonorum eius post Patres nostros, qui Ecclesiam illustrarunt, sequuti sumus, tutius esse arbitantes piam Ecclesie declarationem amplecti, quàm omnimodam regule completionem cum periculo profiteri, & maximè cum uideamus etiam ipsos obseruantie Regule professores habere uarios redditus, & prouentus, sine quibus minimè uiuere possent. Unde constat quòd usus rerum nostro usui à Sede Apostolica concessus paupertati regule non contradicit, tum quia maiores nostri, qui doctrina, & pietate insignes fuerunt, ita uixerunt: tum quia nos Regulam Beati Patris nostri Francisci non simpliciter iuxta literam, sed eam iuxta summorum Pontificum declarationem (ita nos docuit Beatus Pater, cum Sedi Apostolicæ suam Regulam subiecit) profiteamur; præsertim Martini quarti, & quinti, Eugenii quarti, Sixti quoque quarti, & Alexandri sexti.

Errat igitur, & in Sedem Apostolicam matrem nostram temere inuehunt, qui asserunt nos propter usum simplicem rerum temporalium Regulæ nostræ aduersari, uel non satisfacere: Quibus tandem Sacrosancta Tridentina Synodus, quæ nobis concedit, ut possimus habere proprium in communi, ora opprimit. Sed quoniam nulla est adeò bonis legibus instituta Respublica, quæ præuicinatores aliquos non habeat, quibus iusti offenduntur, & mali ad præuicationem excitantur, ita non est adeò sanctis ordinibus distincta reli-

gio, quæ aliquos minus suæ professioni respondentēs non habeat, ex quorum uitio publica sæpe, in uniuersos uergit infamia. Quod quidem ne Religioni nostræ accadat, infrascriptas leges collegimus, per quas Religio nostra in sua puritate, & in Patrum nostrorum disciplina conseruabitur, ad Dei gloriam, Animarum salutem, & Ecclesiæ utilitatem.

CAPITVLVM PRIMVM.

Regula, & vita fratrum Minorum, hæc est, scilicet Domini nostri Iesu Christi Sanctum Euangelium obseruare, viuendo in obedientia, sine proprio, & in castitate. Per hæc uerba Seraphicus Pater noster uoluit nos docere, quod regula, & uita, quàm profitebatur, non erat res noua, sed proculdubio renouata professio Euangelici instituti.

Viuendo in obedientia. Non solū Dei mādāta, sed hominum etiam propter Deum exequendo. Nam & Christus Saluator noster factus est obediens usq; ad mortem.

Sine proprio. Quia, ut dictum est in præfatione, fratres Minores nunquam habuerunt quicquam, quod possiderent, uel quo uterentur tanquàm proprio, ita dicebat de seipso Christus, uulpes foueas habent, &c. Et de Apostolis scriptum est multitudinis credentium erat cor unum, & anima una, nec quisquā eorum, quæ possidebat, aliquid suum esse dicebat, sed erant illis omnia communia.

Et in castitate. Qua Beatus Franciscus uoluit fratres suos

suos cæteris præstare, iubens, ut nedum mente, & corpore casti essent, sed etiam, ne haberent cum mulieribus suspecta consortia, & ne ingrederentur Monasteria Monacharum, prout infra dicitur. Duo in hoc capitulo notantur.

Primum, ut uota ista obedientiæ, paupertatis, & castitatis, inuiolabiliter obseruentur, pro quorum executione ponuntur ordinationes, quæ continentur in sequentibus capitulis.

Secundum, quod eo modo, quo Beatus Franciscus promittit obedientiam Beatissimo Domino Papæ Honorio, & successoribus suis: ita fratres agnoscant se subditos Romano Pontifici, & post ipsum Superioribus Ordinis, Generalibus, Prouincialibus, Custodibus, Guardianis &c. Hæc autem nō ex sua uoluntate solum, cum illis uisum fuerit, sed maxime ex uoto, quo astricti sunt semper, & ubiq;.

CAPVT SECVNDVM.

Si qui voluerint. In hoc capitulo sunt tres articuli principales.

Primus, De recipiendis ad Ordinem fratribus.

Secundus, De Apostatantibus ab ordine.

Tertius, De fratrum indumentis.

Circa primum ponuntur infra scriptæ constitutiones ex decreto Generalis Capituli.

Non liceat alicui Conuentui, uel loco pueros ad Ordinem recipere, neq; habitum illis dare, sine Generalis, uel Prouin-

cialis expressa licentia, quæ non detur, nisi prius de puerorum indole constituerit, & quòd de parentibus bonæ famæ orti fuerint.

Nouitii, qui sument habitum in quocunque monasterio ante ætatem completam sexdecim annorum, mittantur statim à suo superiore in certum Conuentum, seu seminarium, unum uel plura, quæ nouitiatus uocamus. Qui separati sint à locis, & habitatione professorum, atque ibi cum suis Præceptoribus, & Rectoribus à Capitulo deputandis morantes educantur, & instruantur in timore Dei, ac bonis disciplinis & moribus: Atq; hac de causa in quacunq; prouincia ex custodia, ubi commodè fieri poterit, multiplicentur dicti nouitiatus, & maneant ibi pueri usq; ad ætatem dictam annorum sexdecim.

Professi etiam, qui non fuerint in sacris Ordinibus constituti, quantum fieri poterit, sua loca, & certum præceptorum habeant, qui eandem curam, quæ de nouitiis habetur, de illis gerat: Neq; huiusmodi professi per urbem, uel claustra uagari permittantur.

Teneantur uerò natiui puerorum, & professorum Conuentus iis Conuentibus, qui præfatos nutriunt, succurrere iuxta taxam à superiore imponendam.

Qui autem minus apti ad literas inuenti fuerint, occupentur musica, & in seruitute Conuentuum, uel etiam in aliqua arte uiris religiosi non contraria, ut puta in arte pictorum, tonsorum, hortulanorum, & similium.

Et

Et ubi non fuerint huiusmodi professi, inseruiant fratres iuniores, licet fuerint Sacerdotes, melius tamen esset, ut in quolibet Conuentu induerentur aliqui laici, & illis prouideretur de uictu, & uestitu iuxta condecenciam eorum status, quemadmodum in plerisque locis fieri consueuit.

Pueri non admittantur ad professionem, nisi post decimum sextum annum suae aetatis expletum, iuxta decretum Sanctae Tridentinae Synodi, iuxta quam etiam ad sacros Ordines admittentur, non solum quantum ad aetatem, sed etiam quantum ad sufficientiam, & probitatem, ad subdiaconatum quidem post annum uigesimum secundum, ad diaconatum post uigesimum tertium, ad praesbyteratum post uigesimum quintum. Professionem uero in libro ad hoc deputato adollescentes, & alii profiteri uolentes sua manu subscribant, quem librum singuli Conuentus particulariter habere teneantur. Et qui professionem solemnem non emiserint, non possint promoueri ad sacros ordines.

Is quoque tantum numerus fratrum in singulis Conuentibus, & locis admittatur, qui ex redditibus propriis Monasterii, ac consuetis elemosinis commodè possit sustentari. Nec ab eorum parentibus, propinquis, aut curatoribus aliquid ex eorum bonis, quocumque praetextu ante professionem accipiat, excepto uictu, & uestitu pro tempore, quo in probatione fuerint.

Fratres uero alterius Ordinis, aut etiam eiusdem Ordinis, qui tamen diuersas habeant obseruantias, seu uiuendi modum,

modum non recipiantur, nisi à Generali capitulo, explorata prius eorum uita, & quòd ab arctiori instituuto non discedant; fuerint approbati.

Circa secundum, ubi dicitur, & nullo modo licebit eis de ista religione exire &c. *Licentia exuendi habitum, aut subitus ferendi nulli omnino concedatur, sed et nec morari cum habitu extra claustra sui Ordinis cuiquam permittatur, nisi fortè apud aliquos Prælatos, aut alios causa lectionis, aut prædicationis, seu alicuius pii operis, de licentia sui Superioris iuxta Sess. xxv. cap. 4. & si qui hætenus extra sunt absq; licentia suorum Superiorum reuocentur iuxta Bullã D. N. Pii. iiii. reuocatoriam priuilegiorum, Datã XIII. Cal. Martii 1564. Contumaces uerò excommunicentur, & nisi paruerint, subiiciantur ordinario puniendi. Qui uerò de Superiorum licentia alicui Prælato, Principi, aut Vniuersitati seruiant, obedientie, & correctioni Superiorum subiaceant semper.*

Nulli etiam liceat exire claustra eius loci, ubi de familia degit, absq; licentia sui Guardiani, qui causam cognoscat, & Comitẽ illi pro suo arbitrio eligat (habeatur tamen ratio uirgum insignium, & graduatorum) Neq; aliquis discedat ex custodia sine custodis licentia, ut constitutiones generales, & Benedictus duodecimus præcipiunt. De prouincia uerò non nisi de Magistri Prouincialis licentia, siue eius Commisarii in scriptis obtenta, neq; causa accedendi ad Superiorem Prælatum; qui contrafecerit, ultra pœnam à Sancta Synodo

do Tridentina Statutam, etiam in ordine pœna carceris per
 mensem, & unius publicæ disciplinæ opprobrio mulctetur,
 atq; secundum Alexandrinæ constitutiones, ad conuentum
 custodiam, siue prouinciam suam confusibiliter remittatur.

Seruetur omninò decretum earundem constitutionum,
 quòd ita dicit, Inhibetur insuper Ministris iuxta generalia
 Statuta, ut nulli licentiam ad Romanam Curiam tribuant,
 etiam causa deuotionis accedendi (ne detur occasio uagandi)
 nisi in capitulo de consensu Diffinitorum, et nisi fuerit uir pro
 bus, & moribus grauis, uel urgeat magna necessitas Prouin-
 ciæ, Conuentus, uel Monasterii: & si fieri potest, nullus Ro-
 mam accedere permittatur, nisi cui fuerit à Generali Mini-
 stro concessa licentia specialis. Hactenus decretum. Si quis
 uerò Minister huiusmodi licentiam aliter, quàm supradictū
 est, dederit, officio suo priuetur: si autem quis sine licentia Ro-
 mam iuerit, cum reuertentem, etiam si hieras commenda-
 titias habeat, Prouincialis in carcerem tradat, & disciplina-
 tum à sua custodia proscribat.

Qui in claustris morantur, non permittantur diu mane-
 re in suis natiuis Conuentibus, nisi uiri graues, & ualdè se-
 nes. Iuuenes uerò alibi collocentur, & nullus aduersus Su-
 periores, per hoc reclamare præsumat, sed humiliter ius-
 sa faciat.

Circa tertium, De uestimentis infra scripta sta-
 tuuntur: Ut in uestimentis sit modus, neq; eorum luxus,
 siue colorum uarietas infames apud Laycos fratres reddat,

omnes

omnes fratres pannis communibus sub nigri coloris induantur, uel saltem iis rasciis, quæ duplices uocantur, & tales ut panni uideantur, quæ etiam ad obscuritatem tendant; Ceteri omnes panni, & rasciæ (nisi pro habitibus, qui subius deferuntur) abiciantur, & illis uti non liceat.

Nullus cothurnos albos, siue borzachinos deferat, nullus birretum in Ecclesiâ, uel per Ciuitatem gestet, neque etiam Chyrothecâs, nisi in itinere. Qui contraxerit post rerum priuationem, etiam à Conuentu expellatur, ita fiet de iis, qui aliquod indumentum uanum, & aliquo uano artificio elaboratum gestauerint.

Pallia, siue mantelli non deferantur cum manicis, siue ornati orbiculis, sed sint sumptuosi, & longiores, & singuli Sacerdotes unum habeant.

Vestimenta etiam, quæ subius deferuntur, non nisi honesta sint, & coloris ordinis nostri. Et tunicæ apertæ non deferantur, atque cordæ sint rudes, & communes, non laneæ, aut aliqua curiositate confectæ, super quibus omnibus singuli prouinciales diligenter inuigilabunt.

In Cellis, seu Cameris fratrum, non liceat suppellectilem aliam, quàm necessariam, & professioni paupertatis congruentem habere.

CAPVT. TERTIVM.

Clerici faciant diuinum officium, &c.

In hoc Capitulo sunt tres Articuli.

Primus,

Primus de diuino officio.

Secundus de ieiunio.

Tertius de modo eundi per mundum.

Circa primum statuitur, quod omnes & singuli cuiuscun-
que conditionis existant iuxta laudabilem, & seruatum
hactenus Religionis morem; diuinis mysteriis, & choro quo-
tidie horis debitis intersini; nullusq; exemplis habeatur, nisi
quos Alexandrinæ constitutiones excipiunt, ut puta lecto-
res, & predicatores, infirmi, & alii publicæ utilitati tunc
exposui, qui tamen aliis suo debito satisfaciant: Diuinum
uerò officium deuotè, attentè, & punctuatim persoluatur:
Neq; aliquis è choro discedat, nisi expleto officio sine Guar-
diani licentia.

In qualibet prima Dominica mensium fiat processio per
claustra cum lanternis pro Ecclesia Catholica; pro fidei defen-
sione; ac Principum Christianorum concordia. Die uero
lune sequenti, ubi fuerit numerus sufficiens fratrum, cante-
tur Missa pro Benefactoribus ordinis uiuis, atq; defunctis.

Si quis autem conuictus fuerit de consueta omissione di-
uini officii, ut neq; frequenter chorum; neq; uideatur, aut
audiatur diuinis uacare; cuiuscunq; gradus, & conditionis
extiterit, su priuatus omni officio, & gradu, & non nisi per
Generalem restitui possit.

Cum diuina celebrantur, nemo discurrat per Ecclesiam,
neq; ibi interdum moram trahat, nisi causa orationis, uel sal-
tem ex rationabili causa Guardiano nota, & dum diuina ce-

C celebrantur

lebrantur fratres non audiant in confessione absq; necessitate, & de Guardiani licentia.

Uniuersi fratres ad Sacerdotium assumpti, ut in Dei timore, & gratia se contineant, quàm crebrius poterunt, & saltem diebus Dominicis, & festis solemmbus præuia peccatorum confessione Sacerdoti facienda missas deuotè celebrent. Qui uerò Sacerdotes non sunt, saltem quinto decimo quoque die confiteantur, & communificent, aliter priuantur arbitrio Superioris.

Curabunt præterea Guardiani, ut omnia Ecclesiæ, & sacrii suppellectilia munda seruentur, Ecclesiæq; ipsa, & Conuentus sæpe purgetur.

In Conuentibus uerò, ubi magnus missarum numerus ex legatis impositus est, eleemosyna uerò tam tenuis, ut fratres sustentari non possint, seruetur caput quartum reformationis generalis Session. 25. Trident. Concilii: Ad cuius executionem ordinat Generale Capitulum, ut in Capitulis prouincialibus cuiuscunq; prouinciæ habeatur hæc consideratio, cum obligationis missarum tum emolumenti, quod inde trahitur, & hæc omnia referantur ad Generale Capitulum, ut ibi, quidquid secundum Deum uisum fuerit, statuatur.

Circa secundum, ieiunia omnia Sanctæ Romanæ Ecclesiæ, & regulæ nostræ à cunctis fratribus seruentur, provideaturq; illis in his diebus de conuenienti cibo, & iuxta constitutiones Alexandrinas, ceremoniæ solitæ non solum in prandio, sed etiam in refectione serotina, quæ hora competenti fiat,

fiat, & ad quam omnes conueniant, peragantur: Nulli uerò à ieiunio excusentur, nisi quos constitutiones predictæ eximunt.

Quod si quis absq; legitima causa Guardiano nota non ieiunauerit, idq; probari possit, si correctus non se emendauerit, pane, & aqua in carceribus puniatur.

Singulis sextis feriis uniuersi fratres disciplinam faciant, & in emendationem peccatorum suorum se percutiant, memores quod Dominus noster Iesus Christus pro peccatis nostris dira perpeßsus est: Hæc autem disciplina ita fiat. Congregentur in choro, uel sacrario, siue alio loco conuenienti fratres, & extinctis lumimbus, ac clausis ianuis, & fenestris, Superior, aut alius deputatus signum manu faciat indicans silentium, quod per aliquod spatium seruetur, & interim fratres contemplationi uacant.

Deinde idem Superior, uel deputatus incipit uersum huc, & totum dicit, Videlicet, Apprehendite disciplinam, ne quando irascatur Dominus, & pereatis de uia iusta. Tunc omnes incipiunt se percutere, & dicuntur alternatim ab omnibus deuotè, & punctuatim psalmi, Misere mei Deus, &c. Deus misereatur nostri, &c. Cum Gloria patri, &c. De profundis, cum requiem æternam, &c. Quibus expletis, dicitur, Christus factus est pro nobis obediens usq; ad mortem, mortem autem Crucis, etc. Inde superior uel deputatus dicie hanc orationem incipiens absolutè, Respice quæsumus Domine super hanc familiam tuam, pro qua Dominus noster

Iesus Christus non dubitauit manibus tradi nocentium, & crucis subire tormentum. Postea dicitur ab omnibus, Salve regina misericordie, &c. Et superior uel deputatus dicit sequentes uersiculos, & orationes Respondentibus fratribus ad singulos uersiculos uidehæet.

V. Emitte spiritum tuum, & creabuntur, &c. R. Et renouabis faciem terræ.

V. Ora pro nobis Sancta Dei genitrix. R. Ut digni efficiamur promissionibus Christi.

V. Ora pro nobis Beate Franciscæ, R. Ut digni, &c.

Oremus. Deus qui corda fidelium.

Concede misericors Deus fragilitati nostræ præsidium, &c.

Deus qui ecclesiam tuam Beati Francisci meritis, &c.

Deus cui proprium est misereri semper, & parcere, &c.

Exaudi quæsumus Domine supplicum preces, &c.

Deus à quò sancta desideria recta consilia, & iusta sunt opera, &c.

Vre igne sancte spiritus renes nostros, & cor nostrum, &c.

Deus omnium fidelium pastor, &c.

Omnipotens sempiterne Deus miserere famulis tuis. Cardinalibus Protectoribus nostris, &c.

Actiones nostras, &c.

Omnipotens sempiterne Deus edificator, & custos, &c.

Omnipotens sempiterne Deus, qui uiuorum dominaris simul & mortuorum, &c. Per Dominum nostrum, &c.

In fine dicitur diuinum auxilium maneat semper nobiscum

cum Amen. Tunc omnes desinunt se percutere, et per aliquam moram sub silentio iterum contemplationi uacant.

Demum facto signo à supradicto Superiore, uel deputato omnes surgunt.

A mensa communi nulli eximantur, tam mane, quam sero, quòd si aliqui actu legentes, uel prædicantes, seu graduati, aut infirmi iudicati fuerint à Superioribus digni hac exemptione, hi tantum cibis à communi deputatis, et ex communi dispensa utantur; In mensa autem habeatur semper lectio ex sacra scriptura, uel ex sanctis Patribus.

Soli procuratori Conuentuum, & locorum, aut alii fratri deputato fratrum necessaria, præsertim uerò esculenta, & poculenta emere liceat.

Circa tertium. Nulli eundi per mundum à Superioribus facultas fiat, nisi ex urgenti necessitate, & tunc Prælatus inuestiget, quo ituri, quæ negotia, et cum quibus sint acturi fratres, antequàm licentiam illis tribuat; et quantum fieri potest, non permittat aliquem solum proficisci, sed socium illi assignet.

Fratres itinera non sint conuiuæ, neq; hospitentur in domibus laicorum, præsertim publicorum hospitum, ubi sunt loca nostra, sed teneantur conuenire præfectum loci; ibiq; manere, et de eius consilio se gerere.

Nullus magistratum aliquem Principem, uel Prælatum ex quacunq; causa adire audebit, nisi ea causa à Superiore suo prius cognita fuerit, obtinueritq; ab eo facultatem accedendi

accedendi: Quin potius prohibetur, ne quis in aliquo foro causam ullam nisi publicam, et de mandato Superiorum, agere possit. Quamobrem decernimus, ut causæ omnes, quæ Romæ agendæ sunt, ad procuratorem ordinis in urbe dirigantur, neq; aliis committi possint, nisi de eius consilio, et assensu.

Procurator autem qui accedentes ad urbem sine licentia fratres carceribus non mancipauerit, & in Romana curia liberè, et impunè uagari permiserit, ab officio suo cadat, et non possit restitui, nisi per Generalem, uel generale Capitulum. Hoc autem non solum de procuratore Cismontano, sed etiam de Ulramontano, si fuerit, intelligatur.

Cuiunque contigerit de mandato Superiorum ad alium locum transmigrare, teneatur relinquere Cellam, et si qua habet bona suo usui deputata, Superiori loci, unde discedit: Si quis uerò asportauerit aliquid extra Conuentum (nisi id gestaret pro sua necessitate, et de Superioris licentia) illico iis bonis priuatus sit, et proscriptus à Conuentu ad arbitrium Superioris.

Cauebunt etiam Superiores, ne omnibus passim concedant licentiam equitandi, præsertim fratribus iunioribus, qui sunt robuste complexionis, et in literarum studiis non se exercent: quamuis intencio Beati Francisci in hac parte potius pompam, et faustum respiciat, quàm equitandi opportunitatē excludat.

CAPVT QVARTVM.

Præcipio firmiter fratribus uniuerfis, ut nullo modo

modo denarios, &c. *In hoc capitulo usus pecuniarum omnium per se, uel interpositam personam uidetur omnino fratribus minoribus prima fronte interdictus, ita sonare uidetur litera: sed statim tamen in quibusdam casibus uidetur concessus, ubi dicitur, tamen pro necessitatibus infirmorum, et alius fratribus induendis, et quod fratres possint equitare, si necessitate cogantur etc. Præterea, ut communiter interpretantur Doctores, et præcipue quatuor magistri, qui in generali Capitulo parum post obitum Beati Francisci eius regulam explicarunt, uidelicet, Alexander de Ales, Gaufredus, Ioannes de Rupella, et Ricardus de media uilla, quorum doctrina in Ecclesia recepta est, sciendum est, quod recipere pecuniam per se est eam auctoritate propria dispensare, et in suos proprios usus conuertere; Recipere uero per interpositam personam, est eam in usum alterius auctoritate propria conuertere, et dispensare. Quod fratres Minores regulariter non fecerunt, quippe qui confessi sint semper omnia iura, dominiū, et proprietatem bonorum omnium suo usui deputatorum penes Ecclesiam Romanam extitisse, usu facti simplicis cōtenti, unde mos ille inoleuit, et seruatum hæctenus in Religione semper fuit, ut nulli unquam licuerit etiam in ordine, hæredem sibi nominare, neq; aliquid disponere de rebus suo usui applicatis, etiam si ex intestato, aut alio quocunq; modo sibi obenerint. nisi accesserit sui Superioris licentia, quæ non nisi ex rationabili causa dabatur, quæ tamen hodie post decreta Trid. Synodi amplius dari non potest.*

Quòd

Quòd uerò ad tactum pecuniarum attinet, ex Apostolica auctoritate habetur, quòd tactus, aut contrectatio simplex pecuniarum nullum crimen, aut turpitudinem infingit, sed crimen est in animo fratris, qui pecuniam, uel auarè recipit, uel occultat, aut eius dominium, & proprietatem in se transfert contra regulam, quam professus est: quòd explicat Beatus Franciscus in capite sexto, cum dicit, Fratres nihil sibi approprient, &c. Neq; putandum est Beatum Franciscum contactum pecuniarum simplicem prohibuisse, cum id Euangelium non prohibeat. Regula uerò eius sit hæc, ut ipse inquit, sanctum Euangelium obseruare; Et Diuus Bonauentura dicit, quòd sine consensu non acquiritur possessio, ergo quàdnu manet in fratribus uoluntas non acquirendi, etiam si in eorum manibus pro eorum necessitatibus pecunia inferatur, non tamen eam recipiunt, secundum quod receptio in eorum regula inhibetur. Vnde sequitur, quòd fratres tangentes pecuniam regulæ ipsorum non contradicunt illo simplici tactu, sed neq; per hoc initium proprietatis potest eis adscribi.

Verum est tamen, quòd prisci illi Patres nostri etiam à contactu pecuniarum uoluntariè abstinebant, tum ne simplicibus ex hoc aliquod scandalum oriretur, & putarent illos accumulandis pecuniis insudare; tum quia experiebantur erga se feruentem adeò populorum deuotionem, ut nihil suis necessitatibus defuturum unquam dubitarent. Cum autem deferbuisset charitas, & frequens fratrum numerus ex aduementibus quotidie elemosinis sustentari nequies, ne studium sa-

eræ Theologiæ, & aliarum scientiarum, in quibus ordo noster insignis semper habitus est, inopia pessum iret, placuit summis Pontificibus, & præcipuè Martino quinto, & Sixto quarto nobiscum dispensare, ut ex bonis Romanæ Ecclesiæ nostram inopiam leuare, & erecta literarum Gymnasia conseruare possemus. Nouissimè uerò ad conscientias nostras pacandas, ad scrupulosq; euellendos, qui in mentibus imbecillius quandoq; emergebant, etiam dominium rerum in communi eorumq; administratio à sancta æcumenica Tridentina Synodo concessa nobis est. Quæ materia, quoniam communis est cum ea, quæ capite sexto tractatur, ad ipsum locum remittitur.

CAPVT QVINTVM.

Fratres illi, quibus dedit Dominus gratiam laborandi, &c.

In hoc capitulo Beatus Franciscus hoc unum contendit, ut fratres sui otium fugiant, quod omnium malorum radix, et fomentum est: Quamobrem statuitur, ut hi, qui in literis, uel in musica non se exercent, exerceantur in aliquo officio. Ianuas pro clausura obseruent, hortos colant, infirmis, & in gradu collocatis patribus seruiant, Verrant domum, accedat ad eleemosinam petendam, & similia faciant, quibus otiositati malorum omnium sentinæ occurrant.

Qui uerò layci fuerint non permittantur deferre coronam in

D

capi-

capite, sed seruiant publicæ utilitati, & cogantur iuxta regulam pro horis canonicis dicere, Pater noster, &c. atq; nullo tempore admittantur ad sacros ordines suscipiendos.

Qui uoluerint literas discere, examinētur prius à Prouinciali magistro, ut si eos idoneos ad grauiora studia inuenerit, certiore faciat Generalem ordinis, qui in aliquo Religionis Gymnasio eos colloct; collocari uerò pro Baccalaureis non possint, qui prius in Dialectica non profecerint, conclusionesq; in ea professione honorificè non sustinuerint.

Qui per multos annos in studiis nō profecerint, à Gymnasiis amoueantur, & alii studiosi in eorum locum subrogentur.

Baccalaurei, et doctiores studentes exercebunt se alternatim lectionibus, disputationibus, & prædicationibus, ut istis tribus simul assuescant, hoc enim modo citius in uiros eruditos euadent.

Minora literarum Gymnasia ita disponantur, ut quædam Logicæ, quædā Philosophiæ studio applicata sint, ut iuuenes, qui dedunt se literis, per gradus ascendant, & non possint in maioribus constitui, qui in minoribus saltem per triennium non steterint.

Similiter & Lectores non fiant Regentes in celebrioribus studiis nisi in minoribus prius eruditionem suam testatam fecerint.

In maioribus studiis, ubi sunt Theologiæ professores, ultra ordinarios Lectores scholasticos, habeatur lectio Sacræ Scripturæ, nō dimittendo textum Magistri sententiarum, quem
omni

omni triennio, in substantia saltem, Regentes teneantur percurrere, & lectiones incipiant singulo anno post festum natiuitatis Beatæ Virginis.

Lectores, qui in publicis uniuerſitatibus legunt, teneantur ad arbitrium Generalis in iis Conuentibus, ubi morantur, unam lectionem legere.

Curet etiam idem Generalis, ne sinat iuuenes in propria domo studere, sed mittat eos extra, ne patria commoda, & affectus eos à studiis abſtrahant.

Qui uoluerint ad doctoratus insignia promoueri, non admittantur nisi iuxta Breue Sanctissimi Domini nostri Pii quarti, uidelicet in Capitulo Generali præmisso rigoroſo examine. Supplicatur tamen eidem Sanctissimo Domino nostro, ut amoueatur numerus certus promouendorum, & promoueri possint ii omnes, qui in eodem Capitulo de consilio aliquorum publicorum Lectorum idonei à Generali iudicati fuerint, non nisi eodem rigoroſo examine præmisso, & præmisso promotorum iuramento (est enim in ordine tanta eruditorum copia, ut ad tam exiguum numerum restringi nõ possint, quod in proximis Comitibus generalibus Florentiæ omnes nouerunt.)

At quoniã fratres extra Italiam constituti (excepta Dalmatia) non nisi difficile, & magnis sumptibus ad Generale Capitulum accedere possunt, statuitur, ut ii omnes, qui uoluerint ad magistralem coronam recipi, examinentur in aliqua publica uniuerſitate illius regionis, de qua fuerint propositis con-

clutionibus in ea facultate, ad quam promoueri uoluerint: Qui quidem, si præmissis rigoroſo examine ab illa uniuerſitate digni Doctoratus titulo iudicati fuerint, fidemq; publicam ab ipsa decorum ſufficiencia habuerint, poſſit eos Generalis per ſuas literas in aliqua uniuerſitate, uel à perſona auctoritatem habente ad doctoratus lauream ſuſcipiendam admittere.

Nullus uerò ad Doctoratum, uel ad alium gradum ſuperioritatis de cetero promoueatur, qui prius profeſſionem fidei non fecerit iuxta bullam præſati Domini noſtri Pii quarti.

CAPVT SEXTVM.

Eratres nihil ſibi approprient, &c.

Circa hoc Capitulum repeti poſſent, que ſupra in præſatione, & in capite quarto dicta ſunt, quòd ſcilicet nos non habemus in particulari aliquid proprium, ſed uſum ſimplicem rerum, quamuis ſancta Tridentina Synodus conceſſerit, ut poſſimus habere proprium in communi: Ad tollendum tamen omne proprietatis uitium iuxta decreta eiſdem ſacroſancti Tridentini Concilii prohibemus omnibus ordinis noſtri fratribus, & ſanctimonialibus, ne quiſquam eorum bona immobilia, uel mobilia cuiuſcumq; qualitatis fuerint, etiam quouis modo ab eis acquiſita, tanquam propria, aut etiam nomine Conuentus poſſideat, uel teneat, ſed ſtatim ea Superiori tradantur, Conuentuiq; uel Monafterio incorporentur, prout

nos ex nunc ea applicamus, & incorporamus, applicataq^{ue}, et incorporata pronunciamus.

Nec deinceps liceat Superioribus bona stabilia alicui ordini nostri concedere etiam ad usumfructum, uel usum, administrationem, aut commendam: Et si aliqua licentia etiam à Generali, aut alio quouismodo ex quacumq^{ue} causa aduersus prædicta hætenus concessæ reperiuntur, eas ex nunc tollimus, & abrogamus.

Administratio autem bonorum Monasteriorum, seu Conuentuum ad solos officiales eorundem ad nutum Superiorum amouibiles pertineat.

Acobilium uerò usum ita Superiores permittant, ut eorum suppellex statui paupertatis, quam professi sunt, conueniat, nihilq^{ue} superflui in ea sit, nihil etiam, quod sit necessarium, eis denegetur: quorum omnium registrum Superiores apud se habeant, & singulo anno reuideant, & fratres ea uendere, alienare, aut donare nemini ualeant. Quòd si quis aliter fecerit, uel quidquam etiam si pecunia sit, tenere deprehensus, aut conuictus fuerit, is biennio actiua, & passiuu uoce priuatus sit, atq^{ue} etiam iuxta ordinis nostri constitutiones ueluti proprietarius puniatur. Quinimmo ad errores istos tollendos præcipit generale capitulum, ut in singulo Conueiu, et Monasterio sit ærarium publicum, ubi reponantur singulorum fratrum, & sanctimonialium pecunie, quæ inde non extrahantur sine necessitate à Superiore cognita. Monemus tamen singulorum Conuentuum Superio-

res, iuxta singulorum fratrum merita, gradum, & necessitates ex reliquis bonis, & præsertim ab eisdem fratribus acquisitis, aliqua eis pro studiorum, et laborum sustentatione, largius, & commodius subministrent.

Habeatur uerò diligens senium, & infirmorum cura, prouideaturq; eis de communibus eleemosinis in eorum necessitatibus, & in singulo Conuentu præficiatur saltem unus, cui huiusmodi cura committatur.

Et cum quis infirmari cæperit, statim resignet Superiori omnia, quæ suo usui fuerint applicata, ut in casu mortis Conuentui cadant. Emolumenta quæ ex Priorum Legatis (uel ut uocant) mansionariis proueniant, in publicam utilitatem conuertantur, & nulli particulari tribuantur.

Licentia uerò disponendi de bonis suo usui deputatis, aut etiam de cellulis, et cameris ipsis nulli fratri, aut sanctimoniali tribuatur, sed hæc sit Generalis, et Prouincialium cura, secundum gradum & uirtutem, ea, quibus uidebitur assignare. Et si quis hætenus à Superioribus ordinis, aut etiam à sede Apostolica talem disponendi licentiam obtinuit, nulla censeatur.

Quod autem ad Syndicos, uel Procuratores, sancte flos, siue operarios attinet, singuli Conuentus & Monasteria, ubi Superioribus ordinis uisum fuerit opportunum, unum, aut alterum illorum, siue plures eligant, ad ipsorum Superiorum nutum amouibiles, ut sancta Tridentina Synodus decernit, non quidem ut rerum, & bonorum ordinis Procuratores, &

Relto.

Rectores, quemadmodum hactenus consuevit, cum nondum Religio haberet proprium in communi, sed ut Conseruatores, et Defensores, qui non possint à Principibus, uel communitatibus institui, sed tantum presentari. Superior uero, qui ei uidebuntur, confirmet, & non permittat eos perseuerare ultra triennium nisi generale Capitulum ex urgenti causa aliter decreuerit. Hi uero attingant saltem annum quadragesimum quintum, etià ubi eis bonorum temporalium fuerit cura commissa, teneantur quotiescunq; à Superiori, uel sanctimonialibus requisiti fuerint de ipsis bonis rationem reddere, quæ quidem bona, etiam pecunias ipsas non teneant apud se, sed conseruentur in Monasteriis, & non exponantur nisi iuxta earundem sanctimonialium, uel earum Superiorum uoluntatē. In spiritualibus uero ullo modo ipsi Syndici, siue operarii non se intromittant, ut infra dicitur.

Procuratores ex ordine singulo mense coram fratribus in loco publico suæ administrationis rationem reddere teneantur; Aliter priuetur bonis omnibus suo usui deputatis, etiam ipso Conuentu.

In quam pœnam incidat etiam qui mercaturas animalium societates, uel alias negotiationes exercere compertus fuerit.

Si quis uero in sua administratione fraudem aliquam, uel furtum commiserit, priuetur officio, & disciplinetur; & si furtum insigne fuerit, etiam à Prouincia proscribatur, & per decennium ad officia inhabilis habeatur.

Cla-

Claues, sub quibus bona Conuentum, et Monasteriorum reponuntur, non à Superioribus ipsorum Cōuentuum, et Monasteriorum tantum, sed etiam ab aliis discretis personis eorundem locorum custodiantur, qui omnes diligenter introitum, & exitum ipsorum bonorum in libris describant, & Pralato suo postmodum ostendant.

CAPVT SEPTIMVM.

Si quis fratrum instigante inimico mortaliter peccauerit. Duo in hoc capitulo docet nos Beatus Franciscus.

Alterum, ad quos fratres peccantes debeant recurrere.

Alterum, quo modo sunt recipiendi.

Circa primum Statuitur, & ordinatur, ut nullus fratrum peccata propria, uel proximi sui propalare audeat, nisi Superioribus ordinis sub pœna carceris per mensem, & unius publicæ disciplinæ omni sexta feria ipsius mensis.

Nullus etiam audebit literas scribere in infamiam proximi, & religionis, neq; fratrum scandala, & secreta in ordine reuelare, nisi prædictis Superioribus sub eadem pœna, & excommunicatione latæ sententiæ, à qua per solum Generalem absolui possit.

Nemo subterfugiat iudicium sui magistri prouincialis, neque eum reiiciat, quousq; suam sententiam non protulerit. Qui secus fecerit, exilio à prouincia per triennium puniatur. Prouincialis tamen procedat in causa. Si uerò suspitio
fue-

fuerit, quæ indiciis uehementibus appareat, quòd Prouincia lis procedat ex odio & passione, possit accusatus postulare à Generali Collegam, qui unà cum prouinciali causam suam expediat. Ipse tamen reus hoc interim recedere non possit sub pœna conuicti criminis.

Qui pro iniustitia sibi illata, uel quem prætendit sibi illatam esse ad brachium seculare recurrerit, & non potius ad superiores ordinis, exulet statim à prouincia, & fiat inhabilis ad omnia ordinis officia.

Non accuset frater fratrem de aliquo crimine corā Superiore, nisi per testes, uel sufficientia inditia probare possit, quod imponit, aliter accusans ea pœna mulctetur, quam accusatus sustinere debuisset, & sic semper, quando quis imponit aliquid, quòd per testes, uel sufficientia inditia non probetur, pœna talionis puniatur denunciare tamen liceat, & denunciante. Superior secretum teneat.

Quicumq; ex quauis causa in fratrem suum manum uiolentam iniecerit, sanguinemq; fuderit, uel etiam sine sanguine grauitè percusserit, ultra pœnas delicto congruentes, etiam ad omnia ordinis officia in perpetuum inhabilis habeatur, & à prouincia expellatur, neque ad officia, siue prouinciam restitui possit, nisi per Generale Capitulum, & per omnium patrum Diffinitorum uota. Quas pœnas eos quoq; incurrere uolumus, & decernimus, qui conuictis, minis, aliisue modis aliquem ad percussione[m] irritauerint, & lacesuerint. Teneantur uerò Guardiani, & alii locorum nostrorum Re-

ctores sub pœna priuationis suorum officiorum huiusmodi reos, etiam si in domo ipsorum non deliquerint, in carcerem conicere à Superioribus puniendos.

Qui commiserit aliquod facinus, propter quod si esset in seculo, foret iuxta leges morte plectendus, uel aliquam insignem infamiam, siue ruinam ordini, siue ordinis Superioribus intentauerit, perpetuis carceribus condemnetur; Et si aliquo tempore condonatum illi fuerit de his pœnis, nunquā tamen ad Conuentum suum remittatur, neque habilis ad officia ordinis habeatur.

Qui uerba minus honesta in contumeliam fratrum, & Superiorum etiam in claustro dixerit, pro arbitrio Superiorum ieiunij, & carcere maceretur.

Incorrigibiles in capitulis generalibus, & prouincialibus publicè puniantur. Quod si neque hoc modo ad mentem reuocari poterunt, ut bene honesteq, uiuere uelint, suspendantur à diuinis, et laycalem ducant uitam, ac seruiant Monasterio tanquā layci. Et si perseverauerint incorrigibiles esse, perpetuis carceribus mancipentur.

Circa secundum: Omnibus Superioribus ordinis præcipit generale Capitulum, ut fratres peccantes ita cum iustitia corrigant, ut misericordiæ non obliuiscantur, & caueant, ne peccatum fratris oculum in propatulo exponant, & qui debent ordinis misérias tegere, & occultare, eas seculi auribus non traducant, & manifestas faciant.

CAPVT OCTAVVM.

Vniuersi fratres vnum de fratribus istius religionis teneantur semper habere generalem Ministrum, &c.

Circa caput istud de electione Superiorum ordinis, & aliorum officialium explicandus est modus, quo eligi debeant, ut seruetur Canon sextus reformationis regularium editæ à Sancta Tridentina Synodo, ubi dicitur, In electione Superiorum quorumcumq; , &c. (explicetur totus)

Pro executione igitur præsentis canonis ex decreto generalis capituli Florentiæ nuper habiti statutum est, ut huiusmodi electiones per ea secreta suffragia fiant, quæ nos balotationes uulgò dicimus, ut putà, in quibus ita facillè fraudes non admittuntur, ubi singulorum uotorum suffragia calculis lineis, aut lanceis colliguntur, hoc scilicet modo, extat uas ligneum duplex, in quod, cum quis manus imposuerit, potest calculum suum in quam uoluerit partem deponere (una enim pars uota affirmatiua, altera negatiua colligit) & nemo nouit, ubi calculus ceciderit, ita ut unusquisq; conscientie suæ satisfacere, & ipse à nullo cogi potest.

In electione igitur Generali, Prouincialium, Procuratoris in urbe, Custodum, Guardianorum, & omnium officialium, quibus aliquis gradus administrationis, uel Superioritatis in subditoselectione accedit, fiat electio per balotatio-

nes, & non alio modo : Quicquid secus factum fuerit irritum sit, & inane : In Prouinciis Austriæ, Bohemiæ, Romanie, Orientis, & terræ Sanctæ, & si quæ sunt similes prouinciæ, quæ eligere suos prouinciales non consueuere, designentur à Generali per triennium Prouinciales, qui tamen in deputandis aliis inferioribus officialibus modo supradicto utantur. Et ne fraus in calculis oriatur, mandat generale Capitulum, ut unusquisque accipiat suum calculum à Præsidente Capituli, quo accepto rectè ad uas balotationis accedat, manu eleuata, & digitis extensis, ita ut omnes uideant, quòd unicus est singulorum calculus.

Discreti etiam ad prouinciale Capitulum profecturi, ubi fuerit numerus conueniens fratrum à suis Conuentibus, & ipsi Diffinitores in Capitulo à suis custodiis per balotationes eligantur. Qui Diffinitores ad aliud officium non possint assumi, sed perseuerent in illo per annum usque ad Capitulum prouinciale, & interim consilio, & auxilio singuli in sua custodia prouinciali, dum uisitat, assistant. Quod si prouinciale Capitulum non celebrabitur, ipsimet cum prouinciali totidem alios patres per easdem balotationes secernent, qui sub nomine Diffinitorum officiales prouinciæ eligant, et per annu similiter perseuerent. Et ita fiat singulis annis, quando Capitulum prouinciale non habebitur.

Caveant tamen fratres omnes, quibus ius electionis conuenit, ne calculum suum alicui tribuant, neue alterius ipsi recipiant, uel fraudem aliquam in modo isto electionis committant

tant

tant sub pœna expulsionis à Prouincia, & inhabilitationis ad omnia officia ordinis.

Qui suas eleemosinās, & alia bona in manu Superiorum suorum iuxta modum superscriptum in capite sexto, non resignauerit, conuentuiq; non incorporauerit, non possit eligi ad aliquem gradū, et honorem, sed ueluti proprietarius puniatur.

Si quis uerò uia, & fauore Principum, & Prælatorum, quasi ui quadam intromittere se in officiis religionis procurauerit, statim ad ea inhabilis habeatur.

Prouinciales peracto sui magistratus triennalis termino, non procurent reeligere iterum à sua Prouincia, nisi ex defectu fratrum, uel alia rationabili causa id Generalis per patentes literas permitteret sub pœna excommunicationis latæ sententiæ, & priuationis graduum, quas pœnas extendi uolumus etiam ad eos, qui eos elegissent.

Commissarii Generales quauis potestate præditi, non audeant electos prouinciales, etiam si eorum electioni præfuerint, confirmare, cum id tantum Generalis munus sit, & auctoritas, nisi id in suis patentibus expresse contineretur: Qui secus fecerint, ab auctoritate, & gradibus cecidisse intelligantur.

Procurator in urbe maneat apud Sanctum Saluatorem de unda, hyberno saltem tempore secundum antiquas ordinis constitutiones, & summorum Pontificum decreta. Et ad euitandam discordiam unus tantum Procurator, non plures eligantur. Procurator uerò electus, sicut & Generalis iuramen-

ramentum solitum iuxta Alexandrinæ constitutiones præstare teneatur.

Capitula generalia, & provincialia possit Generalis convocare quando, & ubi illi visum fuerit iuxta tenorem Regule de triennio in triennium, uel ad alium terminum maiorem, uel minorem. Et uocales, qui uocati fuerint, congruo tempore adesse curabunt, aliter uoce actiua, & passiua priuentur. Qui uero uocales non sunt, ad Capitula non accedant sub pœna unius publicæ disciplinæ.

CAPVT NONVM.

Fratres non prædicent in Episcopatu alicuius Episcopi cum, &c. Tria potissima in hoc Capitulo animaduertenda sunt.

Primum ne quis fratrum in Episcopatu alicuius Episcopi audeat prædicare, cum ab illis fuerit contradicendum, ut sonat littera, & nuper statuit sancta Tridentina Synodus sessione octaua canone quarto.

Secundum, ne quis officium prædicationis sibi arroget, sed à suis superioribus mittatur.

Tertium, quomodo se habere debeant Prædicatores in munere obeundo.

Circa primum mandat generale Capitulum omnibus Prædicatoribus ordinis, ut seruent illum punctum Regule, & Concilii, ne scilicet populo prædicent, contradicente Episcopo.

Quin.

Quinimmo fratres omnes honorem, & reuerentiam Episcopis exhibeant.

Seruetur etiam decretum eiusdem Sanctæ Synodi Sessione septima canone decimo quarto, ne fratres audiant confessiones secularium, nisi prius fuerint à suis Superioribus examinati, & ab ordinariis admissi: Qui secus fecerint, ultra alias pœnas, reddantur inhabiles ad huiusmodi confessiones audiendas.

Circa secundum, nullus ad officium prædicationis admittatur à Generalibus, siue prouincialibus magistris, qui non fuerit sacerdos, uel Diaconus uita, & moribus comprobatus, præcipuè uerò catholica doctrina instructus.

Superiores ordinis omnem suam curam, & studium adhibebunt, ut benè noscant Prædicatores, quos admittunt, eorumq; doctrinam explorabunt, nequid contra receptam ueritatem, uel contra Sedem Apostolicam, siue Christianos Principes prædicetur.

Similiter se gerant erga Patres confessarios, quos non admittent ad tam difficile munus, nisi uiros bonæ conscientie, & qui sciant discernere inter lepram, & lepram. Hi autem per Conuentus, & loca iuxta necessitatem distribuuntur.

Magistri, & Prædicatores etiam disponantur hoc modo, ut in prædicationibus, & lectionibus præsertim casuum conscientie se exerceant populosq; in fide instruant: Et qui non legunt, uel non prædicant, uel in aliquo officio Religioni non seruiunt (nisi alias in his studiis suas partes gesserint) exemplo-

ptiombus, & honoribus sui gradus non gaudeant. Fratres uerò, qui ad casuum conscientiae lectionem audiendam non accesserint, non admittantur ad audiendas confessiones, nisi uiri alioquin eruditi, & probati: Et id curent Prouinciales sub pœna priuationis officii.

Si quis deprehensus fuerit Prædicatoris, uel confessoris munus absq; Superiorum licentia exercuisse, post carcerem per mensem exulet à Prouincia per triennium, & si sæpius hoc modo deliquerit per annum carceribus deputetur.

Circa tertium, nullus fratrum in suis prædicationibus ne latum quidem unguem discedere audebit à communibus sensibus Sanctæ Romanæ Ecclesiæ, & à Patrum ab ea approbatorum sententiis, neq; aliquam nouam opinionem intrudet.

Argumenta etiam hæreticorum, uel eorum responsiones in medium asferre nemo in suis concionibus audebit, ea præsertim, quæ captu difficilia sunt rudi plebeculæ, ne hæreticorum dicta pro conclusionibus ueris, & Catholicis recipiantur.

Si quis uerò posthac conuictus fuerit aliquam propositionem hæreticam, uel scismaticam populo prædicasse, propter quam abiurationem facere teneatur, nunquam amplius ad prædicatoris munus, neque ad ordinis officia admittatur. Et si quis à quattuor annis citra fuit aliqua labe hæresis notatus & conuictus, habeatur inhabilis ad quoscunq; gradus, & dignitates per decennium.

Nullus

Nullus etiam librum aliquem tractantem de fide, aut de quacunque alia materia in lucem ædere ualeat sub pœna excommunicationis, & carceris, nisi prius à Generali, uel à deputatis ab eo ille liber fuerit approbatus, & præterea alia obseruentur, quæ circa hoc in decretis Concilii Tridentini, & Indice librorum cauta sunt.

CAPVT DECIMVM.

Fratres qui sunt ministri, & serui aliorum fratrum, &c. In hoc Capitulo Beatus Franciscus instruit Superiores ordinis, & eorum subditos inuicem se gerere debeant.

Superiores uocat Ministros, & seruos aliorum fratrum, ut sciant se non esse dominos, neque habere dominium super subditos, ut Domini temporales, sed ideò constitutos esse super alios, & eorum utilitati, & saluti inseruire debeant; præfecturæ enim nostræ sunt potius officia, quàm dignitates.

Subditos uerò docet, ut omnimodam obedientiam suis Superioribus præstent, memores, quòd propter Deum abnegauerunt proprias uoluntates.

Quamobrem mandatur omnibus prouincialibus sub pœna priuationis suorum officiorum, ut singulis annis, dum uisitant, examinare debeant fratres suos etiam sub iuramento, de statu Conuentuum, & locorum, de uita fratrum, de moribus, de conuersatione, & de obseruatione harum constitutio-

F num,

num, atque de omnibus certiores faciant Generalem Magistrum, uisunt quoque cameras, explorent si quid habent fratres superflui, quod non conueniat suæ professioni; & ubi non sunt Inquisitores, etiam libros fratrum diligenter examinent.

Mandatur quin etiā prædictis ad meritum obedientie salutaris, ut in promouendis fratribus ad aliquem gradum, uel officium, inuigilent, ne indigni præferantur dignis, & mali optimis, sed in omnibus publicæ utilitati, & ornamento consulant. Præferantur uerò, qui publico commodo Conuentuum, & locorum non suæ utilitati incumbunt.

Caueant quoque prouinciales sub pœna priuationis officii, ne de cetero cooptent in cœtum Patrum, qui fuerint minoris ætatis annorum quadraginta, nec ad hoc suffragari possint aliquis gradus, uel officium, præter doctoratus titulum; indecens enim est, ut inter eos, quorum consilio res Conuentuum aguntur, omnes passim sine delectu introducantur.

Subditis uerò mandatur sub eadem ut obedientie, ita humiliter exhibeant se dicto Superiorum, ut nihil sibi magis faciendum proponant quàm illud, quod ipsorum Superiores iuxta suæ professionis præscriptum peragendum iusserint.

Qui autem minus obediens, uel contumax suis Superioribus fuerit, & admonitus non se emendauerit, ueluti regulæ suæ, & uoti obedientie transgressor puniatur. Et quicumque in Generali, uel Prouinciali Capitulo ad aliquod officium assumptus fuerit, & non paruerit per quinquennium ad omnia officia

officia ordinis inhabilis habeatur, actiuaq; uoce careat.

CAPVT VNDECIMVM.

Præcipio firmiter fratribus uniuersis, ne habeant suspecta consortia. *Duas partes habet hoc Capitulum: Prima prohibet fratribus suspecta consortia mulierum. Secunda ingressum in monasteria Monacharum.*

Circa primam partem mandat generale Capitulum districte fratribus omnibus, ne conuersari, neq; loqui audeant cum mulieribus male famæ, & quantum fieri poterit, etiam ab alloquutione mulierum bonæ famæ abstineant.

Qui comprehensi fuerint habere suspecta consortia mulierum, & correcti non se emendauerint, carceribus per mensem mancipati à Conuentu proscribantur. Et si quis conuictus fuerit huiusmodi mulieres duxisse intra claustra Conuentus, ultra præfatas penas, etiam flagris omni sexta feria publicæ cedatur per mensem.

Vt autem hæc omnia seruentur districte præcipitur, ut in omnibus Conuentibus diligenter clausura obseruetur, & unus fratrum ianue semper assistat, qui mulieres nullo modo ingredi permittat.

In ipsis uero Conuentibus, & locis non recipiantur hospitio personæ seculares, nisi forte aliqui Prælati, & uiri admodum insignes ad breue tempus, et de licentia Superioris, ut clausura debite seruetur, et laycorum discursu non interrumpatur. Quare obsecrandus est Beatissimus Papa, ut iubeat, Prin-

cipibus, & Magistratibus, ne grauent Conuentus, & loca nostra equis, militibus, & aliis eorum officialibus.

Circa secundam partem, de sanctimonialibus mandatur omnibus, et singulis fratribus nostris, ne accedant ad Monasteria Monialium nisi pro diuinis agendis, & ex iussu Superiorum, qui etatem, et probitatem mittendorum considerent, sub pœna per triennium secundum constitutiones Capituli Generalis Mediolanensis proximi. Et qui mittentur, a Sanctimonialium alloquutione abstineant sub pœna exilii per annum.

Circa uerò ingressum Monasteriorum seruetur Canon quintus reformationis Regularum Tridentini Synodi, ubi dicitur, Ingredi autem intra septa Monasterii nemini liceat, cuiuscunque generis, aut conditionis, sexus, uel etatis fuerit, siue Episcopi, uel Superioris licentia in scriptis obtenta sub excommunicationis pœna ipso facto incurrenda.

Quapropter mandatur Abbatissis omnibus Monasteriorum nostrorum, sub pœna eadem, & sub pœna priuationis officii, ne admittant intra claustra Monasteriorum aliquem absq; expressa licentia in scriptis suorum Superiorum, quicunq; is sit, & cuiuscunq; conditionis; Licentia autem in casibus tantum necessariis detur, ueluti pro Confessore, Medico, aut aliis Ministris exigente necessitate.

Vnicus etiam sit, & communis sanctimonialium medicus, prouectæ etatis, ab uniuersitate Monialium eligendus, & per Generalem, seu Prouincialem approbandus, qui cum
clau-

claustra Monasterii ingressus fuerit, comitatus, à duabus Monialibus ex antiquioribus, si Abbatisa adesse non poterit, semper incedat, quousq; claustra exiuerit.

Circa puellas seculares, quæ in quibusdam Monasteriis erudiendæ introducuntur, maximam curam adhibeant Superiores, ut non nisi honestas, & pacificas Virgines de Monialium consensu ingredi sinant, & quæ ingressæ fuerint non sustineantur ultra 16. annos: Quo tempore uel subiectum regulam suscipiant, uel nubendæ domum remittantur. Monasteria uerò, quæ tales Virgines recipere non consueuerunt, nullo modo ad eas recipiendas cogantur.

Puellæ etiam habitum non suscipiant, nec professionem emittant, absq; approbatione Generalis, uel Prouincialis, alijsq; requisitis iuxta decreta Concilii Tridentini in Sessione uigesima quinta: Quicquid secus factum fuerit, irritum sit, & inane, ac contrasacientes excommunicationem incurrant. Superiores autem ipsi teneantur antea diligenter scrutari uoluntatem puellarum, an sponte, an inuitè Monasterium ingrediantur, ut si spontè ad religionem accedant, eas suscipiant, si inuitè, eas reiciant, atq; domum remittant.

Quæ spontè uoluerint ad Religionem accedere, habitum non suscipiant ante duodecimum annum, neque admittantur ad professionem ante decimum sextum suæ ætatis annum expletum, & nisi per annum saltem antea in probatione steterint. Cuius professionis tēpus, ne Episcopus ignoret, teneatur præfecta Monasterio eū ante mēsem certiore reddere sub
pena

pœna à Concilio Statuta, & singula Monasteria habeant librum, in quo describantur nomina proficientium, & tempus.

Ante uerò professionem (excepto uictu, & uestitu) nihil tribuatur Monasterio ex bonis puellarum à parentibus, propinquis, aut curatoribus quocunq; prætextu, ne hac occasione discedere nequeant, quod totam, uel maiorem partem substantiæ suæ Monasterium possideat, nec facîle, si discesserit, id recuperare possit. Quin potius præcipit Sancta Synodus sub Anathematis pœna dantibus, & recipientibus, ne hoc ullo modo fiat, & ut abeuntibus ante professionem omnia restituantur, quæ suæ erant.

Habeant quoq; ipsa Monialium Monasteria sua seminaria, siue nonitiatus præcipuamq; puellarum magistram, quæ eas erudiat, & in uiam mandatorum Dei dirigat.

In primis uerò mandat generale Capitulum Sanctimonialibus omnibus nostri ordinis, ut diuino cultui semper inuigilent horis Canonicis, die noctu uacent, uerba otiosa, & uana non admisceant, à choro horarum tempore non discedant, sed iuxta earum professionem, abiectis mundi uanitatibus, & illecebris se totas Deo committant, ieiuniis, et orationibus insistendo, præcipuè uerò ieiunia Romanæ ecclesiæ, & suæ Regule, ac disciplinam in his diebus non prætermittent.

Confessionem peccatorum suorum singulis saltem mensibus faciant, & sacrosanctam Eucharistiam suscipiant, ut eo se salutari præsidio muniant ad omnes oppugnationes demonis

monis fortiter superandas. Quod uerò ad sanctissimum Christi corpus attinet, præcipit Sancta Synodus ne intra chorum, et septa Monasterii, sed in publica Ecclesia conseruetur, non obstante quocunq; indulto, aut priuilegio.

Confessores Sanctimonialium constituantur uiri probi, & modesti, & non maneant apud unum Monasterium ex celebrioribus præsertim, nisi per triennium, nisi fortè ex aliqua rationabili causa aliter Superiori uisum fuerit; Neque in monasteriis nostri ordinis confessores ulli admittantur, qui non sint ex ipso ordine, quippe qui sciunt, quid importet sanctimonialium professio, & possunt à transgressione regulæ absolvere, quod non possunt cæteri, ut literæ Apostolicæ restantur. Sed & præter ordinarios confessores alius extraordinarius à suis Superioribus bis, aut ter in domo offeratur, qui omnium confessiones audire debeat.

Electio uerò Abbatisse ea sit, quæ & aliorum Superiorum ordinis scilicet per balotationes, nulla ratione consuetudinis, aut antiquitatis habita, sed sit in mera eligentium libertate eam Monialem, quam magis idoneam iudicauerint in Abbatisam sibi eligere, seruata forma Tridentini Concilii, sessione uigesima quinta capite septimo.

Abbatissa autem electa confirmationem à Superiore postulet, et nihil quòd ad Monasteriũ, uel ad regimen ipsius pertineat, inconsultis Vicaria, et discretis Monasterii faciat. Quod si fecerit, irritum sit, & inane. Et si sæpius hoc modo deliquerit, officio suo priuetur. Sed neque Abbatissa aliqua perse-

perseueret ultra triennium nisi pro reformatione, aut aliqua maxima monasterii utilitate, sed expleto termino triennali ad nouæ Abbatisse electionem procedatur nulla consuetudine in contrarium faciente.

Non promoucantur uerò ad aliquod officium, quæcunq; secreta, & scandala sui Monasterii extra ordinem, præsertim apud laicos detulerint, quas uolumus expressè in excommunicationem latæ sententiæ incidere, à qua per Generalem tantum præmissa pœnitentia absolui possint. Neq; promoucantur, quæ de suspecto consortio conuictæ fuerint, sed priuentur omnino accessu ad crates, & rotulas, quousq; signum aliquod manifestæ resipiscentiæ ostenderint.

Nulla sanctimonialis accedet ad crates, & rotulas aliquam personam alloquutura sine licentia Abbatisse, & cū præsentia Auditricium, quæ in omni Monasterio ex antiquioribus discretis de more habeantur; & hæc licentia raro, & non nisi ex urgente causa, atque pro alloquendis parentibus, & consanguineis tantum concedatur. Quæ uerò sine Abbatisse licentia, uel sine Auditricium præsentia ad crates, aut rotulas inuenta fuerit, priuetur accessu ad eas per menses sex pro qualibet uice.

Nulla etiam sanctimonialis aliqua munuscula dabit, uel recipiet, neq; mittet literas, aut accipiet, nisi prius munuscula uisa, & literæ lectæ ad Abbatissam fuerint, atq; ab ea iudicatum fuerit, ut admittantur.

Ex Monasterio uerò exire nulla ipsarum ex quacunq; causa

causa audebit, nisi secundum decreta Sanctæ Tridentinæ Synodi capite quinto reformationis regularium.

Vestimenta etiam sanctimonialium huiusmodi sint, ut professione earum respondeant, non præciosa, non colorata, non mollia, sed honesta, simplicia, & communia, manicisq; amplius utantur ad earum tunicas exteriores. Et omnes professæ habeant sua pallia, siue mantellos, cum quibus ad cratres, & coram suo Superiore semper compareant, quæ contraherit, actiua, & passiva uoce ad Superioris arbitrium priuata intelligatur.

Super cratibus ferreis sint tele nigre, quæ nunquam auferantur, ne Moniales à quoquam uideri possint, nisi fortè à progenitoribus, fratribus, & sororibus de licentia Abbatisse.

Visitatio, correctio, habitus in ingressu, & uel in professione collatio ad solum superiorem ordinis, siue eius Commissarium pertineat, non ad aliquem laicum, siue etiam presbyterum secularem consuetudine, & abusu aliquo non obstante. Qui secus fecerit excommunicationem illico incurrat, in quam etiam incidant quicunq; se intromittere audebunt in iis, quæ pertinent ad spirituale regimen Monialium, etiam in deputandis Confessoribus, aut aliis fratribus, exceptis Superioribus ordinis, quorum hæc cura tantum sit, & officium.

Circa uerò Monasterium, & sanctimonialium bonâ tam mobilia, quàm permanentia seruetur illud, quod de bonis Conuentuum, & fratrum supra in sexto capite statutum

G est,

est, hoc adicientes, ut operarii, factores, & alii Monasteriorum ministri non elegantur, neque acceptentur à sanctimonialibus sine Superiorum approbatione, ad quorum etiam nutum amovibiles sint, ut Sancta Synodus decernit.

In singulis uero Monasteriis iuxta statuta Concilii certus, & determinatus numerus Monialium statuatur, qui uel ex redditibus propriis Monasterii, uel ex consuetis eleemosinis commodè sustentari possit: ad quod inuigilabunt Superiores.

Si autem fuerint aliqua monasteria, quæ reformatione indigeant, possit Superior pro eorum reformatione sumere Moniales ex aliis monasteriis eiusdem ordinis, & eas ibi præficere, cuiuscunque dominii, & status fuerint, non obstante quacumque contradictione Dominorum temporalium.

Et quoniam supradicta omnia ab ipsis sanctimonialibus eruari omnino uolumus, mandamus omnibus, et singulis Monasteriorum nostrorum Confessoribus, ne sanctimoniales, contrafacientes his constitutionibus, nisi præmissa penitentia, absoluant.

CAPVT DVODECIMVM.

Quicumque fratrum diuina inspiratione uoluerint ire inter Saracenos, &c.

In hoc capitulo sunt duo admodum breues articuli.

Primus de iis, qui ad partes infidelium proficisci uoluerint.

Secundus,

Secundus de protectore, eiusq; auctoritate.

Circa primum inuigilandum ualdè est, ut fratres ad terram Sanctam, ad quam prouincia Regni Cypri pertinet, siue ad partes infidelium præcipuè ad Peram propè Constantinopolim, ubi locum satis amplum habemus. profecturi, sint eius uite, morum, & doctrinæ, ut credi possit, aliquem fructum Christianæ fidei ex eorum accessu ad illas partes prouenturum.

Examinentur etiam, et probentur, qui ad confinia hæreticorum se conferunt, præsertim ubi Conuentus, & Monasteria sunt nostri ordinis, ut puta in Gallia, Germania, Polonia, Bohemia Austria, Morauia, Dalmatia, Epyro & similibus paribus, ut Catholica Ecclesia aliquam utilitatem inde referat.

Quapropter sub ui obedientiæ Sanctæ omnibus Superioribus ordinis mandat Generale Capitulum, ne cui ad ea loca, nisi prius de mittendorum probitate sibi constiterit, eundi facultatem aliquando faciant.

Circa secū dum Deo optimo Maximo summæ à nobis gratiæ agende sunt, quod in ea incidimus tempora, in quibus Protectorem secundum regulam nostram uidere, & habere datū est. Eo enim Governatore, quid boni sperare non debemus? Eo Protectore, quid aduersi timere possumus? Eo Correctore quis ab institutis suæ regulæ deficiet? Governator est promouebit ad bonum: Protector est, defendet a malis: Corrector est, continet in fide, & obedientia Sanctæ Romanæ Eccle-

sue. In his enim auctoritas eius est, in his officium suum versatur, ut expressè dicit Beatus Franciscus in hoc capite, & declarat Gregorius nonus primum ordinis Protector, & deinde ceteros Sixtus quartus, & reliqui omnes, qui regulam explicarunt.

Te igitur, o Illustrissime, & Reuerendissime Carole Borromee appellamus, tuam fidem, & benignitatem obtestamur, ut nos tue curie, & patrocinio commissos Beatissimo Aunculo tuo, & Sanctissimo patri nostro Pio Quarto commendatos facias, tu uerò religionem nostram tua prudentia, consilio, & auctoritate, protegere ne desistas, ut ab inimicorum insidiis tuta, Beati patris sui Francisci uestigiis inherendo sedulum in humilitatis spiritu reddere ualeat Domino famulatum.

Præterea cupiens generale Capitulum, ut supradictæ leges, & constitutiones tam extra Italiam, quam in Italia ab uniuerso sodalitate nostro, seruentur, & executioni demandentur, tria hæc præcipua decreuit, ac iussit.

Primum, ne Generalis, & multò minus Prouinciales possint dispensare in his, quæ sunt de essentia Regule, ut puta, quæ recipiunt tria uota essentialia obedientiæ, scilicet, paupertatis, & castitatis, sed neq; in aliis, nisi ex urgente necessitate, uel aliqua ualdè rationabili causa, quæ tamen decretis Tridentinæ Synodi non aduersetur, super quod ipsorum Superiorum conscientias oneratas uoluit.

Secundum, quod quilibet Generalis in primo officii sui triennio,

nio cessante legitimo impedimento bellorum, aut pestis, Pro-
uincias Hispaniarum, & Portugallie in persona propria uisi-
tare teneatur. Quod si ex sua negligentia non fecerit, non
possit in generalem rectigi pro secundo triennio, sed alius eli-
gatur, qui huic decreto satisfaciat.

Ministri uero, qui in executione presentis reformationis à
Generali, uel Visitatoribus minus diligētes inueni fuerint, ab
officiis suis cadant, et reddantur inhabiles etiā ad minores gra-
dus, & officia ordinis; Visitatores autem, qui prouincialium
partes implebūt, etiam prouincialium magistratu potiantur.

Tertium, quod constitutiones ordinis nostri quocunq; tem-
pore factæ, etiam si Apostolica auctoritate sint confirma-
tæ, in his, quæ decretis huiusmodi, ac Tridentini Concilii re-
pugnant, omnino irritæ, & abrogatæ esse intelligantur, atq;
omnes ad limites, & præscriptiones istarum, & concilii reda-
tæ censeantur.

Postremò à Beatissimo Domino nostro Pio quarto sup-
plices petimus, ut iubeat Principibus, & Magistratibus, ne
ullam molestiam, uel impedimentum inferant, uel inferri si-
nant, quo minus suprascriptæ Sanctiones in suis dominiis exe-
cutioni mandentur, sed potius faueant, & auxilium suum im-
pendant. Fratribus autem Beati Francisci, quæ de obser-
uantia dicuntur, sub censuris, & pœnis prohibeat, ne Conuen-
tus, & loca utriusq; sexus etiam tertii ordinis, quæ ubiq; gen-
tium sub cura nostra degunt, recipere audeant, iuxta Bre-
uē felicitis recordationis Iulii secundi, et si quæ sibi usurpa-
runt,

runt, uel habuerunt à non habente auctoritatem, re-
stituant.

Nos interim pro prefato Beatissimo D.N. & pro Illu-
strissimis, ac Reuerendissimis Dominis Cardinalibus Prote-
ctoribus, & ceteris omnibus, ac præcipuè pro illis, qui in re-
formatione ista suam operam præstiterunt, indeficientes ad
Deum preces fundere non desistentis. Qua de causa ordinat
generale Capitulum, ac sub ui obedientiæ sanctæ districtè
præcipit omnibus & singulis Sacerdotibus ordinis, tam extra
Italiam, quàm infra constitutis, ut quolibet anno in suis sa-
crificiis infra scripta suffragia facere teneantur.

In primis pro Beatissimo D.N. Pio quarto, ut Deus il-
lum diu incolumen in terris conseruet, & Beatum postmo-
dum in cælo faciat, celebrentur à quolibet Sacerdote Missæ
tres, uidelicet

M. 3

Pro Illustris. & Reuerendis. Cardinalibus Carolo Bor-
romeo Protectore, & Ludouico Symoneta Viceprotecto-
re.

M. 2

Pro Illustris. & Reuerendis. Sanctæ Romanæ Ecclesiæ
Cardinalibus, & præcipuè us, qui in reformatione ista suam
operam, & studium exhibuere.

M. 2

Pro sanctæ Romanæ Ecclesiæ conseruatione & defen-
sione.

M. 2

Pro Principum Christianorum concordia, et Imperato-
rum, Regum, Rerumpub. ac Ducum exaltatione.

M. 3

Pro Excel. & Illustr. Florentiæ, & Senarum Duce, ac

Prim.

Principe, in quorum dominio supradictæ leges statutæ sunt.

M.

2

Pro benefactoribus ordinis utriusq; sexus. *M.* 1

Pro omnibus fidelibus uiuis, atq; defunctis. *M.* 1

Pro conseruatione, & augmento Religionis nostræ. *M.* 1

Pro magistro Generali ordinis. *M.* 1

Ad hæc mandat Generalis Magister ordinis uniuersis Prouincialibus Magistris, ut huiusmodi constitutionum exemplum in singulis Conuentibus, & Monasteriis haberi, atque singulo die sabbati ad mensam legi curent, & faciant.

Omnibus uerò sacerdotibus, ut Serenissimum Sabaudie Ducem Patronum, et Prôtectorem ordinis, cum Excel. Principe eius filio in suis ad Deum precibus commendatum habeant.

REGVLAE SANCTI FRANCISCI

CAPVT PRIMVM.



HONORIVS Episcopus seruus
seruorum Dei dilectis filiis
Fratri Francisco, & alijs fratri-
bus de Ordine Fratrum mi-
norum salutem, & Aposto-
licam benedictionem. Solet
annuere Sedes Apostolica pijs uotis, & honestis
petentium desideriis fauorem beniuolum impar-
tiri: Ea propter dilecti in domino filii uestris pijs
precibus inclinati ordinis uestri regulam à bonæ
memoriæ Innocentio Papa prædecessore nostro
approbatam, annotatam præsentibus, auctorita-
te uobis Apostolica confirmamus, & præsentis
scripti patrocinio communimus. Quæ talis est:

In nomine domini Incipit Regula, & uita fra-
trum Minorum.

Regula & uita fratrum Minorum hæc est. s. Do-
mini nostri Iesu Christi sanctum Euangelium ob-
seruare, uiuendo in obedientia, sine proprio,
& in castitate. Frater Franciscus promittit obe-
diētiam, & reuerentiam domino Papæ Honorio,
ac successoribus eius canonice intrantibus, & Ec-
clesiæ

clesiæ Romanæ. Et alii fratres teneantur fratri Francisco, & eius successoribus obedire.

CAPVT SECVNDVM.

SI qui uoluerint hanc uitam accipere, & uenerint ad fratres nostros, mittant eos ad suos ministros prouinciales, quibus solummodo, & non aliis fratres recipiendi licentia concedatur. Ministri uerò diligenter examinent eos de fide Catholica, & ecclesiasticis sacramentis, & si hæc omnia credant, & uelint ea fideliter confiteri, & uxores non habent, uel si habent, & Monasterium iam intrauerint uxores, uel licentiam eis dederint, auctoritate diocesani Episcopi uoto continentiae iā emisso, & illius sint ætatis uxores, quod non possit de eis oriri suspicio, dicant illis uerbū sancti Euangelii, quod uadant, & uendant omnia suā bona, & ea studeant pauperibus erogare: quod si facere non potuerint, sufficit eis bona uoluntas. Et caueant fratres, & eorum ministri ne solliciti sint de rebus suis temporalibus, ut libere faciant de rebus suis quicquid dominus inspiraue-rit eis. Si tamen consilium requiratur, licentiam habeant ministri, mittendi eos ad aliquos Deum timentes, quorum consilio bona sua pauperibus

H erogen-

erogentur. Postea concedant eis pannos probationis uidelicet duas tunicas sine caputio, & cingulum, & brachas, & caparonem usque ad cingulum nisi eisdem ministris aliud secundum Deum aliquando uideatur. Finito uero anno probationis, recipiantur ad obedientiam, promittentes uitam istam, & Regulam semper obseruare. Et nullo modo licebit eis de ista religione exire iuxta mandatum domini Papæ: Quia secundum sanctum Euangelium nemo mittens manum ad aratrum, & aspiciens retro, aptus est regno Dei. Et qui iam promiserant obedientiam, habeant unam tunicam cum caputio, & aliam sine caputio, qui uoluerint habere. Et qui necessitate coguntur, possint portare calciamenta. Et fratres omnes uestimentis uilibus induantur, & possint ea repeti de saccis, & aliis petiis cum benedictione Dei. Quos moneo, & exhortor, ne despiciant neque iudicent homines, quos mollibus uiderint uestimentis, & coloratis indutos, uti cibis, & potibus delicatis, sed magis unusquisque iudicet, & despiciat semetipsum.

CAPVT TERTIVM.

CLERICI faciant diuinum officium secundum ordinem Sanctæ Romanæ Ecclesiæ excepto psalterio,

psalterio, ex quo habere poterunt breuiaria. lay-
ci uerò dicant uigintiquattuor Pater noster pro
matutino, pro laudibus quinque, pro prima, ter-
tia, sexta, nona, pro qualibet istarū septem: pro ue-
speris autem duodecim, pro completorio septē,
& orent pro defunctis. Et ieiunent à festo om-
nium Sanctorum usque ad Natiuitatem Domini.
Sanctam uerò Quadragesimam, quæ incipit ab
Epiphania Domini usque ad continuos quadra-
ginta dies, quam Dominus suo sancto ieiunio cō-
secrauit, qui uoluntariē eam ieiunant, benedicti
sint à Domino, & qui nolunt, non sint astricti, sed
aliam usque ad resurrectionem Domini ieiunent.
Aliis autem temporibus nō teneantur fratres nisi
feria sexta ieiunare: tempore uerò manifestē ne-
cessitatis non teneantur fratres ieiunio corporali.
Consulo uerò moneo, & exhortor fratres meos
in Domino Iesu Christo, ut quando uadunt
per mundum non litigent, neque contendant uer-
bis, nec alios iudicent. Sed sint mites, pacifici,
& modesti, mansueti, & humiles, honestē loquen-
tes omnibus sicut decet. Et non debeant equita-
re, nisi manifesta necessitate cogantur. In quam-
cunq; domū intrauerint, primum dicant pax huic
domui. Et secūdam sanctum Euangelium de om-
nibus cibis quæ apponuntur eis liceat manducare.

CAP. QVARTVM.

PRÆCIPIO firmiter fratribus uniuerſis, ut nullo modo denarios, uel pecuniam recipiant per ſe, uel per interpoſitam perſonam. Tamē pro neceſſitatibus infirmorum, & aliis fratribus induendis per amicos ſpirituales miniſtri tantum, & cuſtodes ſollicitam curam gerant ſecundum loca, & tempora, & frigidas regiones, ſicut neceſſitati uiderint expedire, eo ſemper ſaluō, ut, ſicut dictum eſt, denarios, uel pecuniam non recipiant.

CAPVT QVINTVM.

FRATRES illi, quibus gratiam dedit dominus laborandi, laborēt fideliter, & deuotē, ita quod excluſo ocio animæ inimico ſanctæ orationis, & deuotionis ſpiritum non extinguant, cui debent cetera temporalia deſeruire. De mercede uerò laboris pro ſe, & ſuis fratribus neceſſaria corporis recipiant præter denarios, uel pecuniam, & hoc humiliter, ſicut decet ſeruos Dei, & paupertatis ſanctiſſimæ ſectatores.

CAPVT SEXTVM.

FRATRES nihil sibi approprient, nec domum, nec locum, nec aliquam rem, sed tanquam peregrini, & aduenæ in hoc seculo in paupertate, & humilitate domino famulantes uadant pro eleemosina confidētē. Nec oportet eos uerecundari, quia dominus pro nobis se fecit pauperem in hoc mundo. Hæc est illa celsitudo altissimæ paupertatis, quæ uos charissimos fratres meos hæredes, & reges regni cœlorum instituit, pauperes rebus fecit, uirtutibus sublimauit. Hæc sit portio uestra, quæ perducit in terram uiuentium, cui dilectissimi fratres totaliter inhærentes, nihil aliud pro nomine Domini nostri in perpetuum sub cœlo habere uelitis. Et ubicunque sunt, & se inuenerint fratres, ostendant se domesticos inuicem inter se, & securé manifestet unus alteri necessitatem suā: Quia si mater diligit, & nutrit filium suum carnalem, quantò diligentius quis debet diligere, & nutrire fratrem suum spiritualem? Et si quis eorum in infirmitate ceciderit, alij fratres debent ei seruire.

CAPVT SEPTIMUM.

SI qui fratrum instigante inimico mortaliter peccauerint, pro illis peccatis, de quibus ordinatum fuerit inter fratres, ut recurratur ad solos ministros prouinciales, teneantur prædicti fratres ad eos recurrere quam citius poterunt sine mora. Ipsi uero ministri si præsbyteri sunt, cum misericordia iniungant illis poenitentiam. Si uero præsbyteri non sunt, iniungi faciant per alios sacerdotes ordinis, sicut eis secundum Deum melius uidebitur expedire. Et cauere debent, ne irascantur, & conturbentur propter peccatum alicuius, quia ira, & conturbatio in se, & in aliis impediunt charitatē.

CAPVT OCTAVVM.

VNIVERSI fratres unum de fratribus istius religionis teneantur semper habere generalem ministrum, & seruum totius fraternitatis, & ei teneantur firmiter obedire, quo decedente electio successoris fiat à ministris prouincialibus, & custodibus in capitulo Penthecostes, in quo prouinciales ministri teneantur semper insimul conuenire, ubicunque à generali ministro fuerit constitutu.

stitutum, & hoc semel in tribus annis, uel ad aliū terminum maiorem, uel minorem, sicut à prædicto ministro fuerit ordinatum. Et si aliquo tempore appareret uniuersitati ministrorum prouincialium, & custodum prædictum ministrum non esse sufficientem ad seruitium, & communem utilitatem fratrum, teneantur prædicti fratres quibus electio data est, in nomine domini alium sibi eligere in custodem. Post capitulum uero Penthecostes possint, si uoluerint, & eis expedire uidebitur eodem anno in suis custodiis semel fratres suos ad capitulum conuocare.

CAPVT NONVM.

FRATRES non prædicent in Episcopatu alicuius Episcopi, cum ab eo illis fuerit contradictum. Et nullus fratrum populo penitus audeat prædicare, nisi à ministro generali huius fraternitatis fuerit examinatus, & approbatus, & ab eo officium prædicationis sibi cōcessum. Moneo quoque, & exhortor fratres, ut in prædicatione, quam faciunt sint examinata, & casta eorum eloquia

CAPVT DECIMVM.

FRatres, qui sunt ministri, & serui aliorum fratrum
uisitent, & moneant fratres suos, & humiliter
& charitatiuè corrigant eos, non præcipientes eis
aliquid, quod sit contra animam suam, & regulam
nostram: Fratres uerò, qui sunt subditi, recorden-
tur, quod propter Deum abnegauerunt proprias
uoluntates. Vnde firmiter præcipio eis, ut obedi-
ant suis ministris in omnibus, quæ promiserunt do-
mino obseruare, & non sint contraria animæ, & re-
gulæ nostræ. Et ubicunque sunt fratres qui scir-
ent, & cognoscerent se non posse regulam spirituali-
ter obseruare, ad suos ministros debeant, & pos-
sint recurrere. Ministri uerò charitatiuè, & beni-
gnè eos recipiant, & tantam familiaritatem ha-
beant circa ipsos, ut dicere possint eis, & facere
sicut Domini seruis suis. nam ita debet esse, quod
ministri sint serui omnium fratrum. Moneo quo-
que, & exhortor in Domino Iesu Christo, ut ca-
ueant fratres ab omni superbia, uana gloria, inui-
dia, auaritia, cura, & sollicitudine huius seculi,
detractione, & murmuratione, & non curent ne-
scientes litteras discere, sed attendant, quod su-
per omnia desiderare debent habere spiritum Do-
mini,

mini, & sanctam eius operationem, orare semper ad Deum puro corde, & habere humilitatem, patientiam in persecutione, & in infirmitate, & diligere eos, qui nos persequuntur, reprehendunt, & arguunt, quia dicit dominus. Diligite inimicos uestros, & orate pro persequentibus, & calumniatibus uos. Beati qui persecutionem patiuntur propter iustitiam, quoniam ipsorum est regnum celorum. qui autem perseuerauerit usque in finem hic saluus erit.

CAPVT VNDECIMVM.

PRecipio firmiter fratribus uniuersis ne habeant suspecta consortia, uel consilia mulierum. Et ne ingrediantur monasteria monacharum. prater illos, quibus a sede Apostolica concessa est licentia specialis. Nec fiant compadres uirorum, uel mulierum, ne hac occasione inter fratres, uel de fratribus scandalum oriat̃ur.

bus. Ministri uerò nullus eundi licentiam tribuant
 nisi eis, quos uiderint idoneos admittendum.
 Ad hæc per obedientiam iniungo ministris, ut pe-
 tant à domino Papa unum de Sanctæ Romanæ Ec-
 clesiæ Cardinalibus, qui sit gubernator, & prote-
 ctor, & corrector istius fraternitatis, ut semper
 subditi, & subiecti pedibus eiusdem Sanctæ Ecce-
 siæ stabiles in fide catholica paupertatem, & humi-
 litatem, & Sanctum Euangelium Domini Nostri
 Iesu Christi, quod firmiter promisimus, obserue-
 mus. Nulli ergo omnino hominū liceat hanc pa-
 ginā nostræ confirmationis infringere, uel ei ausu
 temerario contraire. Si quis autem hoc attentare
 præsumperit, indignationem omnipotentis Dei,
 & beatorum Petri, & Pauli Apostolorum eius se
 nouerit incursum. Datum Laterani tertio Kal-
 Decembris. Pōtificatus Nostri Annō Octauo.

FINIS.





. archiepiscopus in christo .



Auvertimento al legatore.

Dopò la prima carta del S. Francesco ui metterete
il foglio *, & poi il mezo foglio †, & poi
A 2. BCDEFGHI.